

台語路加福音

范秉添牧師整理

簡介

作者：醫生路加


日期：**62 AD**

地點：該撒利亞

對象：提阿非羅大人

目的：指出耶穌是舊約預言的人子，是上帝的彌賽亞，是完全的人，是世人的模範。

背景：保羅佈道結束以後，轉耶路撒冷給人掠起來，關佇該撒利亞有二年之久，路加一直及保羅作夥。



簡介

動機：提阿非羅大人是該撒利亞一位同情保羅，慕道的法律專家或是一位官員。路加寫此信給伊為要拯救保羅，為保羅辯護。因為：保羅受審判是因為指望，上帝向猶太人祖先所應允的；這應允的以色列十二個支派，晝夜切切的事奉上帝指望得到的。保羅給猶太人控告，就是因為這指望。上帝叫死人閣活，猶太人為什麼看作不可信的呢？

保羅所傳的耶穌：是上帝的彌賽亞，是猶太人所盼望的救贖者，保羅所傳的是上帝的國，不是地上的國。

馬太福音



馬可福音



路加福音



約翰福音



基督是

君王

僕人

人子

神子

強調

天國
永活

上帝的國
永活

上帝的國
樂園

永活
上帝的國
父的家

耶穌是完全的上帝，嘛是完全的人。

- 此個福音是上帝早前通過伊的眾先知記佇聖經的應允，啲講起伊的子咱的主耶穌基督：對人性來講，伊是大關的後代；對聖潔的神性來講，上帝互伊對死人中閣活，用大能力顯明伊是上帝的子。（羅一2-4）。
- 按肉體講，耶穌是「人子」；按聖神講，耶穌是上帝的子。人性與神性攏佇耶穌的身驅，一個有限的人性，一個是無限的神性，兩個如何佇耶穌身驅調和？這是一個奧祕。

重建大關的王國（以色列國）

- 雖然以色列國滅亡，
但是大關的後代會乎興起來，
彼時人攏佇等候大關的後代—彌賽亞若伊來到，
- 就會重建給巴比倫滅亡的王國。
巴比倫滅亡以後，
先後給波斯、希臘、羅馬帝國統治，
重建大關王國，是彼時個最大的盼望。

天國（上帝的國）

- 母拘耶穌給佢講：我嘛著去別個城市傳上帝國的福音；這是上帝差派我來的目的。（路4:43）
- 耶穌來到世間所介紹的天國，有諸個名出現：
- 天國、上帝的國、永活、樂園、父的家、新天新地。
天國是場所，此國不是佇地面，是佇天頂。保羅叫此是第三層天，佢所生活的地球是第一層天，宇宙是第二層天，天國是第三層天。
- 上帝的國、說明此國不是人所建立，是上帝所建立的。
。永活、指永遠的國。樂園，指彼國是喜樂的園。
- 父的家、指慈愛的天父，為伊的子女所準備的厝。

上帝及大闢所立的約：

到你的歲壽滿，轉去你的祖先遐的時，我欲選立你的後代，你的親生子，來續接你，閣欲互伊的國穩固。伊欲為著我的名起聖殿；我欲堅固伊的王位直到永遠。
。（撒下7：12-13）

1. 繼承人（所羅門）影 模型—指（耶穌基督）實體
2. 國位永存（以色列國）影 模型—指（天國）實體

天使對伊講：馬利亞，毋免驚，因為你有得著上帝賜福。你會懷孕生一個後生，你著給伊號名叫做耶穌。伊會做大人物，人會稱呼伊做至高上帝的子。主上帝會將伊祖先大闢的王位互伊。伊會永遠統治雅各的子孫；伊的王國無窮盡。
。（路1：30-33）

上帝及人相連有三種的職份

替上帝來傳講信息的，咱叫做先知；

替百姓來獻贖罪祭的，咱叫做祭司；



替上帝來管理百姓的，咱叫做君王；

彌賽亞是什麼意思

彌賽亞就是受膏者的意思。

受膏者；

佇舊約的時代，領受此三種職份的人，
是用油來膏，佢啲叫做彌賽亞。



等候彌賽亞君王


- 先知對百姓講，有一位君王要來，
- 個想到君王，就認為是彌賽亞，
- 個佇等候此三種職份中的君王，
大闢的後代彌賽亞，
伊來是要重建大闢的王國。
- 耶穌的時代，
人攏佇等候，此款
的彌賽亞來到。
耶穌：是伊的名； 基督：是伊的職位；
以馬內利：是伊的身份。

上帝永遠的計畫

1 啟示天國

2 啟示救贖

死人閣活
活人改變



天國
(上帝國)

舊約 (模型)

新約 (實體)



上帝國的開始
(創1.2章)
伊甸園

創3-11章

創12章~書

士~瑪

四福音書


使徒書信

上帝國的完成
(啟21.22章)
新天新地

聖經見證的天國（上帝國）

■ 天國的性質有三種

① 現實存佇的天國（實體）



② 成就佇世間的天國（模型）

③ 佇歷史中完成的天國

大綱


- | | |
|-----------------|--------------------|
| 一、引言 | 1:1-1:4 |
| 二、施洗約翰及耶穌的降生及童年 | 1:5-2:52 |
| 三、施洗約翰的工作 | 3:1-3:20 |
| 四、耶穌接受洗禮及受試探 | 3:21-4:13 |
| 五、耶穌佇加利利的工作 | 4:14-9:50 |
| 六、加利利到耶路撒冷 | 9:51-19:27 |
| 七、最後一禮拜佇耶路撒冷及附近 | 19:28-23:56 |
| 八、主的閣活顯現及升天 | 24:1-24:53 |




所尊敬的提阿非羅先生：佇阮中間所發生的代誌，已經有真多人整理閣編寫；諸個代誌是照許個對起頭就親目看見的人及傳道的人所傳授互阮的。諸個攏總的代誌，我有對頭到尾詳細查考，才想講著為著你照順序寫出來，互你通明白所學習的道理是確實。（路1:1-4）

大綱

- | | |
|-----------------|--------------------|
| 一、引言 | 1:1-1:4 |
| 二、施洗約翰及耶穌的降生及童年 | 1:5-2:52 |
| 三、施洗約翰的工作 | 3:1-3:20 |
| 四、耶穌接受洗禮及受試探 | 3:21-4:13 |
| 五、耶穌佇加利利的工作 | 4:14-9:50 |
| 六、加利利到耶路撒冷 | 9:51-19:27 |
| 七、最後一禮拜佇耶路撒冷及附近 | 19:28-23:56 |
| 八、主的閣活顯現及升天 | 24:1-24:53 |




希律做猶太王的時，有一個亞比雅班的祭司，名叫做撒迦利亞；伊的某伊利莎白嘛是祭司亞倫的後代。佢兩人完全遵守主一切的誠命及規例，互上帝看做義人。佢無子，因為伊利莎白殮生，佢兩人嘛攞已經真老。（路1:5-7）




有一日，撒迦利亞值班，佇上帝的面前執行祭司的職務。照祭司職的規例，伊抽著籤入去主的聖所燒香。伊啲燒香的時，歸大陣民眾佇外面啲祈禱。有主的一個天使顯現，倚佇香壇的正旁。撒迦利亞一下看著真著驚，非常不安。(路1:8-12)




天使給伊講：撒迦利亞，毋免驚，因為上帝已經聽著你的祈禱；你的某伊利莎白會給你生一個後生。你著給伊號名叫做約翰。你會歡喜快樂；真多人嘛會因為伊的出世來歡喜，因為伊佇主的面前會做大人物。薄酒厚酒伊攏膾用得飲。伊猶佇母胎就互聖神充滿。
(路1:13-15)




伊會互真多以色列的子孫歸向主 一 個的上帝。伊會用先知以利亞的精神及能力來做主的先鋒。伊會互父母及子兒和好，互背逆的人轉向來隨義人的意念，互子民準備好勢通迎接主。(路1:16-17)




撒迦利亞對天使講：我著按怎才會知此個代誌？我已經老，我的某嘛赫多歲啊。天使應講：我是啲侍候上帝的加百列，受派來傳話，對你報此個好消息。你會啞口殮講話，一直到諸個代誌應驗彼日，因為你無相信我所講時到會實現諸個話。（路1:18-20）




彼時，民眾啲聽候撒迦利亞，佢真奇怪伊哪會入去聖所赫呢久。伊出來的時煞膾當對佢講話，佢才知伊佇聖所有看見異象。伊膾講話，一直對佢比手。撒迦利亞服事的日期過了就轉去厝裡。過無佬久，伊的某伊利莎白懷孕，五月日久無出門。伊利莎白講：主即呢看顧我，給我除去佇人面前的見笑。(路1:21-25)



伊利莎白懷孕第六個月，天使加百列奉上帝差派到加利利一個城，叫做拿撒勒，去見一個在室女，名叫做馬利亞。此個在室女已經及大關家一個叫做約瑟的人定婚。（路1:26-27）



天使到馬利亞處，對伊講：平安！你是眾婦女中間上有福氣的；主及你同在！馬利亞因為諸個話非常不安，心內一直啲想此個請安是什麼意思。（路1:28-29）



天使對伊講：馬利亞，毋免驚，因為你有得著上帝賜福。你會懷孕生一個後生，你著給伊號名叫做耶穌。伊會做大人物，人會稱呼伊做**至高上帝的子**。主上帝會將伊祖先**大關的王位**互伊。伊會永遠統治雅各的子孫；伊的王國無窮盡。（路1:30-33）



馬利亞對天使講：我猶未出嫁，哪會有此款代誌？（路1:34）



天使應講：聖神欲臨到你，至高上帝的權能欲致蔭你。因為按呢，彼個啲欲出世的嬰仔是聖的，人會稱呼伊做**上帝的子**。（路1:35）



你看，你的親戚伊利莎白，伊雖然年老，嘛已經懷孕欲生一個後生。人講伊膾生，毋拘伊已經有身六月日。因為上帝無一項代誌做膾到。馬利亞講：我是主的女婢，願照你的話佇我身上實現。天使就離開伊。(路1:36-38)




過無倂久，馬利亞出發，趕緊去猶大山地的一個城。伊入去撒迦利亞的厝，給伊利莎白請安。伊利莎白聽著馬利亞的請安，腹肚內的嬰仔就趯跳。伊利莎白互聖神充滿，（路1:39-41）




大聲講：婦仁人中你上受祝福！你腹肚內的囡仔嘛受祝福！我的主的老母來訪問我，我哪會堪得？因為我一下聽著你請安的聲，腹肚內的嬰仔就歡喜趣跳。相信主講的話一定會實現彼個婦仁人真有福氣！（路1:42-45）



馬利亞講：我的心尊主做大；我的神因為上帝 — 我的救主來歡喜。因為主有看顧伊卑微的女婢。對今以後，萬世代的人攏會講我有福氣，因為全能的上帝為著我做偉大的代誌；伊的名是聖。對敬畏伊的人，伊憐憫偈到世世代代。（路1:46-50）




伊伸出權能的手，趕散心驕傲的人。伊將掌權的對寶座拖落來，卑微的人給個高升。朽餓的人，伊用好物互個飽足；好額的人，伊趕個空手出去。伊扶助伊的僕人以色列，會記得給個憐憫；照伊對咱祖先的應允，憐憫亞伯拉罕及伊的子孫到永遠。（路1:51-55）





馬利亞及伊利莎白做夥住差不多三個月，然後轉去佢兜。(路1:56)



伊利莎白生產的日期已經到，就生一個後生。厝邊及親族聽講主有大大憐憫伊，就及伊做夥歡喜。(路1:57-58)



囡仔出世第八日，佢來欲給伊割禮，閣照佢老父的名叫伊做撒迦利亞。總是伊的老母講：毋通！著給伊號名叫做約翰。佢對伊講：恁親族中無人號此個名。佢就用手比，問囡仔的老父看欲給伊號什麼名。（路1:59-62）



撒迦利亞給個討一塊寫字板，寫講：伊的名是約翰。大家攏著驚。
撒迦利亞隨時開嘴講話，稱讚上帝。（路1:63-64）



厝邊隔壁攏真著驚；全猶太的山地攏啲談論此項代誌。聽著此項代誌的人想講：此個嬰仔將來會成做什麼款人？因為有主的權能及伊同在。(路1:65-66)



約翰的老父撒迦利亞互聖神充滿，預言講：著稱讚主 — 以色列的上帝！因為伊有看顧閣救贖伊的子民。伊對伊的僕人大關的家，給咱設立一位有大氣力的拯救者。照伊佇古早通過伊聖先知的嘴應允講：（路1:67-70）




伊欲拯救咱脫離咱的對敵，脫離一切怨恨咱的人的手。伊應允欲憐憫咱的祖先，閣會記得伊所立神聖的約，就是伊對咱的祖先亞伯拉罕所立的約。伊欲救咱脫離對敵的手，互咱無驚惶，一世人佇伊的面前用聖潔公義服事伊。(路1:71-75)




細子啊，你會互人稱呼做至高上帝的先知；因為你會做主的先鋒來準備伊欲行的路，互伊的子民因為罪得著赦免，通明白上帝的拯救。因為咱的上帝溫柔慈悲；伊互清早的日頭對天頂照咱照咱諸個 1 店佇烏暗及死亡蔭影下的人，引導咱的腳行入和平的路。（路1:76-79）



此個囡仔漸漸大漢，心靈日日勇壯。伊住曠野，一直到伊佇以色列人的中間公開出現彼日。(路1:80)




彼時，羅馬皇帝奧古斯都頒布命令，叫全國的人民攏登記戶口。此個頭一遍的戶口普查是居里扭做敘利亞總督的時實施的。眾人攏轉去家己的故鄉登記戶口。(路2:1-3)



約瑟嘛對加利利的拿撒勒去猶太的伯利恆，就是大關出世的城，因為伊屬大關的家，是大關的世系。約瑟及伊的未婚妻馬利亞做夥去登記。彼時，馬利亞已經懷孕。(路2:4-5)



個佇遐的時，馬利亞生產的時到，就生頭上子；伊用布給伊包，互伊睷佇槽裡，因為客館無所在通互個住。（路2:6-7）





地區有一寡顧羊的人佇野外，暝時輪流啲顧個的羊群。主的一個天使對個出現；主的榮光四面給個照，個就非常驚惶。（路2:8-9）





天使給佢講：毋免驚！我給恁報一個欲互萬民大歡喜的好消息。今仔日，佇大關城有一位**救主**為著恁出世，就是**主基督**。恁會看著一個嬰仔用布包啲倒佇槽裡；這互恁做記號。（路2:10-12）





忽然，有一大陣天軍及彼個天使做夥頌讚上帝講：願榮光歸佇至高的上帝；願伊賜和平互地上伊所意愛的人。（路2:13-14）



諸個天使離開個上天的時，顧羊的攏講：咱來去伯利恆，看主報咱知此個所發生的代誌。個就趕緊去，尋著馬利亞及約瑟，以及倒佇槽裡的嬰仔。個看了，就將天使對個講此個嬰仔的代誌報人知。（路2:15-17）




聽著顧羊的所講諸個話的人攞感覺真奇怪。過馬利亞將諸個代誌攞囡佇心內，不時啲想。顧羊的轉去，因為所聽見所看著一切的代誌攞及天使對佢講的完全全款，就將榮光稱讚歸互上帝。
(路2:18-20)





嬰仔出世第八日，給伊割禮的日到，佢就給伊號名叫做耶穌；此個名是馬利亞猶未懷孕的時天使給伊號的。照摩西的律法，潔淨禮的日過了，約瑟及馬利亞抱嬰仔去耶路撒冷欲將伊獻互主。照主的律法記載：頭一胎的查甫子攏著聖別歸互主。閣照主的律法規定著獻一對斑鴿，抑是兩隻粉鳥仔子做牲禮。（路2:21-24）




彼時，佇耶路撒冷有一個人名叫做西緬。此個人義閣敬虔，一直啲期待以色列的復興。聖神有及伊同在。伊得著聖神的啟示，知影伊死以前一定會看著主所應允的基督。(路2:25-26)



伊互聖神感動入去聖殿。抵彼時，耶穌的父母抱嬰仔耶穌入來，欲照律法的慣例給伊舉行儀式。西緬用雙手抱嬰仔，稱讚上帝講：主啊，今照你的話，互你的僕人平平安安離開世間；因為我已經有親目看著你的拯救，就是你為萬民所準備的。伊做啟示外邦人的光，做你的子民以色列的榮光。（路2:27-32）




耶穌的父母聽著西緬講起關係嬰仔的事，真著驚。西緬給個祝福，閣對嬰仔的老母馬利亞講：此個嬰仔受選立是欲互以色列中真多人跋倒，真多人足百起來，閣成做受攻擊的記號，互真多人心內的意念露現；你本身的心嘛會互利劍鑿迴過。（路2:33-35）





閣有一個女先知安娜，是亞設支族的法內力的查某子。伊已經真老。伊結婚了及丈夫生活七年，現在已經八十四歲。伊攏無離開聖殿，暝日服事上帝，禁食祈禱。抵彼時，伊嘛來感謝上帝，對所有啲期待上帝救贖耶路撒冷的人講起此個嬰仔的事。(路2:36-38)





約瑟及馬利亞照主的律法完成一切的規定就轉去加利利，到個的故鄉拿撒勒。(路2:39)



此個囡仔漸漸大漢，日日勇壯，充滿智慧；上帝的恩惠及伊同在。耶穌的父母逐年攞有去耶路撒冷守躑過節。耶穌十二歲的時，佢嘛照慣例上去。節期煞，佢出發欲轉去，囡仔耶穌留佇耶路撒冷。伊的父母攞毋知，想做伊是佇做夥行彼陣人的中間。佢行一日的路程了後，才開始佇親族及熟似人的中間啲尋。（路2:40-44）




佢尋無，就倒轉去耶路撒冷尋，三日後才佇聖殿看著伊坐佇教師的中間，也啲聽也啲問。（路2:45-46）



所有聽著伊講話的人攏因為伊聰明的應答感覺著驚奇怪。伊的父母看著伊，非常著驚。伊的老母對伊講：子啊，你哪通按呢對待阮？你看，你的老父及我真煩惱，一直啲尋你！（路2:47-48）




耶穌應講：恁哪著尋我？豈毋知我一定著佇我的父的厝？不過個
膾了解伊對佢講的話。（路2:49-50）



後來耶穌及佢做夥轉去拿撒勒，事事順趁佢。伊的老母將諸個代誌攞園佇心內。耶穌的智慧及年歲愈加添；上帝及人嘛愈疼伊。
(路2:51-52)

大綱


-
- | | |
|-----------------|-------------|
| 一、引言 | 1:1-1:4 |
| 二、施洗約翰及耶穌的降生及童年 | 1:5-2:52 |
| 三、施洗約翰的工作 | 3:1-3:20 |
| 四、耶穌接受洗禮及受試探 | 3:21-4:13 |
| 五、耶穌佇加利利的工作 | 4:14-9:50 |
| 六、加利利到耶路撒冷 | 9:51-19:27 |
| 七、最後一禮拜佇耶路撒冷及附近 | 19:28-23:56 |
| 八、主的閣活顯現及升天 | 24:1-24:53 |





羅馬皇帝提庇留統治第十五 year，龐修·彼拉多作猶太總督，希律作加利利分封的王，伊的小弟腓力作以土利亞及特拉可尼地方分封的王，呂撒聶作亞比利尼分封的王，亞那及該亞法作大祭司的時，上帝的話臨到撒迦利亞的子約翰，彼時伊佇曠野。約翰就去約旦河一帶逐所在宣揚講：著悔改，領受洗禮，上帝就赦免恁的罪！
(路3:1-3)




照先知以賽亞的冊記載：
有聲佇曠野吶喝：著為主準備道路，為著伊修直小路。一切的山谷著填互淀；所有大山小山著削互低；彎曲的路著改互直；嶮碣的路著修互平！萬民攏會看見上帝的拯救。（路3:4-6）




約翰給來欲領受洗禮許個群眾講：恁諸個毒蛇，什麼人警告恁閃避上帝啲欲發的受氣？著用行為證明恁有悔改！恁毋通家己想講「亞伯拉罕是阮的祖先」，我給恁講，上帝會當用諸個石頭造子孫互亞伯拉罕。斧頭已經靠佇樹頭；所有無結好果子的樹攏欲給剉起來，抗落火。(路3:7-9)



眾人問約翰：按呢，阮著做什麼？伊應講：有兩領衫的，著分互無的；有食物的，嘛著按呢做。有一寡買稅的嘛來欲領受洗禮。佢問約翰：老師，阮著做什麼？伊給佢講：規定的稅金以外毋通加收。有一寡軍人嘛問伊：阮著做什麼？伊給佢講：毋通給人恐嚇提錢；嘛毋通給人敲油；所領的薪水著滿足。(路3:10-14)





民眾啲期待，大家心內想講約翰豈採是基督的時，約翰對大家講：「我用水給恁洗禮；毋拘有一位比我較有權能的啲欲來，我連給伊解鞋帶都膾堪得。伊欲用聖神及火給恁洗禮。伊的手提簸箕欲將麥埕的麥簸清氣，麥仔收入倉庫，麥芒就用膾化的火給伊燒掉。（路3:15-17）



約翰對民眾傳福音，用真多無仝款的講法給個勸勉。不過約翰責備分封的王希律，因為伊有娶弟婦希羅底做某，閣因為伊有做真多歹代誌。諸個以外，伊有做一項閣較歹的代誌，就是給約翰關落監。(路3:18-20)

大綱


- | | |
|---------------------|------------------|
| 一、引言 | 1:1-1:4 |
| 二、施洗約翰及耶穌的降生及童年 | 1:5-2:52 |
| 三、施洗約翰的工作 | 3:1-3:20 |
| 四、耶穌接受洗禮及受試探 | 3:21-4:13 |
| 五、耶穌佇加利利的工作 | 4:14-9:50 |
| 六、加利利到耶路撒冷 | 9:51-19:27 |
| 七、最後一禮拜佇耶路撒冷及附近 | 19:28-23:56 |
| 八、主的閣活顯現及升天 | 24:1-24:53 |



民眾攏領受洗禮了後，耶穌嘛來領受洗禮。伊啲祈禱的時，天開，聖神降落佇伊頂面，形狀親像粉鳥；閣對天有聲講：你是我所疼的子，你，我真意愛。(路3:21-22)




耶穌開始傳道的時，約三十歲。眾人看伊做約瑟的子，約瑟是希里的子，希里是瑪塔的子，瑪塔是利未的子，利未是麥基的子，麥基是雅拿的子，雅拿是約瑟的子，約瑟是瑪他提亞的子，瑪他提亞是亞摩斯的子，亞摩斯是拿鴻的子，拿鴻是以斯利的子，以斯利是拿該的子，拿該是瑪押的子，瑪押是瑪他提亞的子，瑪他提亞是西美的子，西美是約色克的子，約色克是約大的子，（路3:23-26）




約大是約亞拿的子，約亞拿是利撒的子，利撒是所羅巴伯的子，所羅巴伯是撒拉鐵的子，撒拉鐵是尼利的子，尼利是麥基的子，麥基是亞底的子，亞底是哥桑的子，哥桑是以摩當的子，以摩當是珥的子，珥是約細的子，約細是以利以謝的子，以利以謝是約令的子，約令是瑪塔的子，瑪塔是利未的子，利未是西緬的子，西緬是猶大的子，猶大是約瑟的子，約瑟是約南的子，約南是以利亞敬的子，以利亞敬是米利亞的子，米利亞是買南的子，買南是瑪達他的子，瑪達他是拿單的子，拿單是大關的子，（路3:27-31）



大關是耶西的子，耶西是俄備得的子，俄備得是波阿斯的子，波阿斯是撒門的子，撒門是拿順的子，拿順是亞米拿達的子，亞米拿達是亞民之子，亞民是亞尼之子，亞尼是希斯崙之子，希斯崙是法勒斯的子，法勒斯是猶大的子，猶大是雅各之子，雅各是以撒之子，以撒是亞伯拉罕之子，亞伯拉罕是他拉之子，他拉是拿鶴之子，（路3:32-34）




拿鶴是西鹿的子，西鹿是拉吳的子，拉吳是法勒的子，法勒是希伯的子，希伯是沙拉的子，沙拉是該南的子，該南是亞法撒的子，亞法撒是閃的子，閃是挪亞的子，挪亞是拉麥的子，拉麥是瑪土撒拉的子，瑪土撒拉是以諾的子，以諾是雅列的子，雅列是瑪勒列的子，瑪勒列是該南的子，該南是以挪士的子，以挪士是塞特的子，塞特是亞當的子，亞當是**上帝的子**。(路3:35-38)



耶穌受聖神充滿，對約旦河轉來。伊互聖神導去曠野，佇遐四十日久受魔鬼試探。彼個期間伊攞無食什麼，許個日子過了，腹肚就枵。魔鬼對伊講：既然你是上帝的子，命令此塊石頭變做餅！耶穌應講：聖經有記載：人啲活毋若倚靠餅。(路4:1-4)



然後魔鬼導耶穌去到高的所在，一目矚久將天下萬國互伊看，給伊講：諸個一切的權勢及榮華，我攏欲互你；因為諸個一切已經攏交互我，我欲互什麼人就互彼個人。所以，你若跪落來拜我，諸個一切攏總是你的。耶穌應講：聖經有記載：著拜主 — 你的上帝，只有服事伊。(路4:5-8)



魔鬼閣導耶穌去耶路撒冷，互伊倚佇聖殿上高的所在，給伊講：既然你是**上帝的子**，對遮跳落去，因為聖經有記載：上帝會為著你命令伊的天使來保護你；閣講：佢會用手給你扶啲，互你的腳膾磕著石頭。耶穌應講：聖經有記載：毋通試探主 — 你的上帝。所有的試探攏用了，魔鬼就離開耶穌，聽候後遍的機會。（路4:9-13）

大綱

- | | |
|--------------------|------------------|
| 一、引言 | 1:1-1:4 |
| 二、施洗約翰及耶穌的降生及童年 | 1:5-2:52 |
| 三、施洗約翰的工作 | 3:1-3:20 |
| 四、耶穌接受洗禮及受試探 | 3:21-4:13 |
| 五、耶穌在加利利的工作 | 4:14-9:50 |
| 六、加利利到耶路撒冷 | 9:51-19:27 |
| 七、最後一禮拜在耶路撒冷及附近 | 19:28-23:56 |
| 八、主的復活顯現及升天 | 24:1-24:53 |




耶穌受聖神的權能充滿，轉去加利利。伊的名聲傳到四圍逐地區。伊佇逐個會堂教示人，受眾人尊敬。耶穌倒去伊長大的所在拿撒勒，照習慣佇安歇日入去會堂。伊倚起來欲讀聖經。（路4:14-16）




有人提一卷先知以賽亞的冊互伊，伊就攙開，尋著一所在有記載：
主的神臨到我，因為伊用油抹我，互我傳好消息互散赤人。伊差派
我宣布：受掠的得著解放，無看見的閣看見，受壓迫的得著自由，
宣布主恩惠的年。(路4:17-19)





耶穌給冊捲起來，還互會堂的助理，就坐落去。會堂內的眾人攏注目給伊看。伊就給佢講：此段聖經，今仔日恁啲聽的時已經實現啦。大家攏稱讚耶穌，對伊所講仁慈的話感覺奇怪，講：此個人豈毋是約瑟的子？耶穌對佢講：恁一定會引用『醫生啊，著醫治你家己』此句俗語來對我講：阮有聽著你佇迦百農做真多代誌，今嘛著佇你的故鄉做。耶穌閣講：我實在給恁講，先知無一個佇家己的故鄉受歡迎。（路4:20-24）





我給恁講實話，佇以利亞的時代有曠旱三年半久，逐所在有大飢荒，彼時以色列中有真多寡婦；以利亞並無受差去個遐，只有去西頓撒勒法一個寡婦遐。先知以利沙的時，以色列中有真多癩瘋病人，除去敘利亞人乃縵以外，無一個得著清氣。（路4:25-27）





會堂內所有的人一下聽著諸個話真受氣。佢倚起來，給耶穌趕出城外，扭到山崁，欲給伊掉落去；佢的城是起佇山頂。耶穌卻對佢中間行過，做伊去。(路4:28-30)





耶穌落去加利利的迦百農城，逐個安歇日攞有啲教示人。佢對伊的教示感覺非常希奇，因為伊的話有權威。會堂內有一個互無清氣的鬼神附身的人，伊大聲喝：拿撒勒人耶穌，你勿愛插阮！你來欲毀滅阮是無？我知你是什麼人；你是上帝的聖者。（路4:31-34）





耶穌給伊責備講：恬恬！對此個人出去！鬼佇眾人的面前給伊摔倒，就對伊出去，攏無給伊傷害著。眾人真著驚，講來講去：伊的話哪赫厲害？伊用權威及能力命令邪神，佢就出去。耶穌的名聲就傳到四圍逐所在。（路4:35-37）




耶穌離開會堂，入去西門個兜。西門的丈姆破病，發熱真燒；有人給耶穌講此個代誌。耶穌倚倚去伊的邊仔，責備熱病，熱就退；婦仁人隨時起來給個侍候。（路4:38-39）





日落的時，眾人將有逐種病的人攏導來尋耶穌。耶穌一個一個給個按手，攏給個醫好。嘛有鬼對真多人的身軀出來，喝講：你是**上帝的子**！耶穌給個責備，毋准個講，因為個知耶穌是**基督**。
(路4:40-41)




天一下光，耶穌就出城去偏僻無人住的所在。歸陣人啲尋伊，尋著就給伊留啲，無愛伊離開。毋拘耶穌給佢講：我嘛著去別個城市傳上帝國的福音；這是上帝差派我來的目的。伊就繼續佇猶太逐個會堂傳道。（路4:42-44）





有一遍，耶穌倚佇革尼撒勒湖邊，有一陣人搭倚去欲聽上帝的話。伊看著兩隻船停佇湖邊，掠魚的離開船啲洗網。其中一隻是西門的；耶穌上彼隻船，叫伊划小可離開岸，然後坐落去，對船頂教示眾人。(路5:1-3)



耶穌講煞，對西門講：給船划去深的所在，拋網落去掠魚。西門應講：老師，阮拼歸暝掠攏無，毋拘你都啲講啊，我就來落網。佢一下放落去，網著真多魚，網煞強欲破去。（路5:4-6）




個搵手叫別隻船的同伴來鬥腳手。佢就來，將魚貯佇兩隻船，貯到滿滿煞強欲沉落去。(路5:7)





西門·彼得一下看著，就跪落去耶穌的腳前，講：主啊，請離開我！我是一個有罪的人。西門及伊的同伴因為掠著赫多魚真著驚。西門的同伴西庇太的子雅各及約翰嘛真著驚。耶穌給西門講：毋免驚，對今以後，你會得著人。(路5:8-10)



佢拖船倚岸了後，將一切放咧，去隨耶穌。（路5:11）





有一遍耶穌佇一個城，佇遐有一個人歸身軀染著癩瘋。伊看著耶穌就仆落去祈求講：主啊，你若肯，會當互我清氣。耶穌伸手給伊摸，講：我肯，互你清氣！伊的癩瘋隨時無去。（路5:12-13）




耶穌命令伊，講：毋通給人講；著去互祭司驗，閣照摩西的規定，為著你有得著清氣獻祭物，通對眾人證明。耶穌的名聲愈傳愈闊；歸大陣人聚集來欲聽道理，閣求伊互佢的病得著醫好。（路5:14-15）





母拘耶穌退去偏僻的所在祈禱。(路5:16)





有一日，耶穌的教示人的時，有法利賽派的人及律法教師佇選的坐。個是對加利利及猶太逐庄社，以及耶路撒冷來的。主的權能及耶穌同在，互伊會當醫好病人。彼時，有人用床扛一個半身不遂的人來，想欲扛入去下佇耶穌的面前；毋拘因為人真多，尋無路通扛入去，就足百去厝頂，拆厝瓦，將彼個半身不遂的連床縋落去眾人的中間，下佇耶穌的面前。（路5:17-19）



耶穌看見佢的信心，就講：朋友啊，你的罪赦免啦。許個經學教師及法利賽派的人議論講：此個啲褻瀆上帝的是嗰人？上帝以外，什麼人會當赦罪？（路5:20-21）





耶穌知影佢啲質問什麼，就對佢講：是按怎恁心內啲質問？講『你的罪赦免啦』，抑是講『起來行』，叨一項較簡單？不過我欲互恁知人子佇地上有赦罪的權柄。耶穌對彼個半身不遂的人講：我給你講，起來，夯你的床，轉去恁兜！（路5:22-24）




彼個人隨時佇眾人的面前足百起來，夯伊所倒的床轉去個兜，那行那歸榮光互上帝。眾人攏真著驚，歸榮光互上帝，心內充滿敬畏講：阮今仔日有看著奇妙的代誌！（路5:25-26）



諸個代誌以後，耶穌出去，看著一個貿稅的，名叫做利未，坐佇稅關，就對伊講：來隨我！利未就放揀一切，起來隨伊。
(路5:27-28)




利未佇個兜為著耶穌辦大宴席。有一大陣貿稅的以及其他人及個做夥坐桌食飯。有一寡法利賽派的人及屬個的經學教師對耶穌的門徒埋怨，講：是按怎恁及貿稅的以及罪人做夥飲食？耶穌應講：健康的無需要醫生，破病的才有需要。我來，毋是欲招義人，是欲招罪人悔改。(路5:29-32)



後來個對耶穌講：約翰的門徒常常禁食祈禱，法利賽派的門徒嘛是按呢，毋拘你的門徒亦食亦飲。耶穌對個講：新郎猶及婚宴的人客做夥的時，恁豈會互人客禁食？日子啲欲到，新郎會互人對個中間掠去，佇許個日個就會禁食。(路5:33-35)




耶穌閣用一個譬喻給佢講：無人拆新衫來補舊衫，若按呢做，毋若新衫拆破，拆起來彼塊新布及舊衫嘛膾合。（路5:36）





嘛無人將新酒入仔舊皮袋。若按呢做，新酒會給皮袋爆破，酒流出來，皮袋嘛歹去。新酒著入仔新皮袋。無人飲舊酒了後愛飲新酒，人攏會講「猶是舊酒較好。」（路5:37-39）





有一個安歇日，耶穌對麥園經過。伊的門徒摘麥穗，用手掬來食。有一寡法利賽派的人給佢講：恁是按怎做安歇日猶用得做的代誌？耶穌應講：恁豈毋曾讀著大關及隨伊的人腹肚枵的時所做的代誌？（路6:1-3）




入去上帝的殿提獻祭的餅來食，嘛互隨伊的人食。此款餅只有祭司才通食。耶穌給佢講：**人子**是安歇日的主。（路6:4-5）




另外一個安歇日，耶穌入去會堂教示；佇遐有一個正手癱去的人。有一寡經學教師及法利賽派的人啲當等看耶穌佇安歇日會給伊醫治抑癯，通尋孔縫來告伊。耶穌知佢啲想什麼，就給彼個手癱去的人講：起來，來倚佇中央！伊就起來，倚佇遐。（路6:6-8）



耶穌對佢講：我問恁，佇安歇日做好事抑是做歹事，救性命抑是害性命，叨一項合律法？耶穌就一個一個給佢看，然後對彼個人講：手伸出來！伊照按呢做，手就復原。許個人非常受氣，參詳欲按怎對付耶穌。（路6:9-11）




有一日，耶穌出去山裡祈禱，通暝對上帝祈求。天光的時，伊叫門徒來，對佢中間揀選十二個，稱佢做使徒，就是西門 — 耶穌閣給伊號名叫做彼得 — 及伊的小弟安得烈，雅各及約翰，腓力及巴多羅買，馬太及多馬，亞勒腓的子雅各及稱做激進黨的西門，雅各的子猶大及後來出賣耶穌彼個以斯加略的猶大。(路6:12-16)



耶穌及使徒落山，來倚佇平地，佇遐有一大陣伊的門徒，閣有一大陣民眾。諸個人是對猶太全地及耶路撒冷，以及泰爾及西頓沿海來的。佢欲聽耶穌講道理，嘛欲互伊醫病。許個互邪神攪擾的人嘛來，攏得著醫治。歸大陣的人攏想欲給伊摸，因為有權能對伊發出，互佢攏得著醫好。(路6:17-19)



耶穌注目看伊的門徒，講：恁諸個散赤人真有福氣，因為恁是上帝國的子民。恁現在啲楞的人真有福氣，因為上帝會互恁飽足。恁現在啲啼哭的人真有福氣，因為上帝會互恁笑。人怨恨恁，為著人子的緣故給恁棄揀，給恁侮辱，給恁看做歹人，恁真有福氣。彼日恁著歡喜越跳，因為恁佇天裡的報賞真大。早前諸個人的祖先嘛按呢對待先知。(路6:20-23)



毋拘恁諸個好額人慘啊，因為恁已經享受安樂。恁現在飽足的人慘啊，因為恁會枵餓。恁現在啲笑的人慘啊，因為恁會哀傷啼哭。眾人攏啲謳佬恁的時，恁慘啊，因為佢的祖先嘛曾按呢對待假先知。
(路6:24-26)



恁諸個啲聽的人，我給恁講：著疼恁的對敵，好款待怨恨恁的人。著祝福詈罵恁的人；著為著侮辱恁的人祈禱。有人搨你的嘴齦，另外一旁嘛互伊搨。有人剝你的外衫，內衫嘛續互伊。有人給你求什麼，著互伊。有人搶你的物件，毋通給伊討。恁愛人按怎對待恁，嘛著按呢對待佢。(路6:27-31)



恁若只有疼許個疼恁的人，有什麼功勞？因為連歹人嘛疼許個疼恁的人。恁若只有好款待許個好款待恁的人，有什麼功勞？連歹人嘛按呢做。恁若錢借互許個恁向望會還的人，有什麼功勞？連歹人嘛借互許個會攏總還的歹人。(路6:32-34)



總是恁著疼恁的對敵好款待個；借人嘛毋通向望欲收回。按呢，恁就會得著真大的報賞，閣會成做至高上帝的子兒，因為伊對忘恩背義及邪惡的人真慈悲。恁的天父是仁慈，恁嘛著仁慈。(路6:35-36)



毋通批判人，才膾受上帝審判；毋通給人定罪，才膾受上帝定罪。著赦免人，才會受上帝赦免。著互人，上帝就會互恁；伊會扼閣搖，互伊寔，閣量到滿滿，倒落去恁的衫仔帕。恁用什麼量量互人，上帝嘛會照按呢量倒轉互恁。（路6:37-38）



耶穌閣用譬喻對佢講：盲人豈會牽盲人？豈膽兩個攞跋落窟仔？學生膽超過老師，不過學生若學有起，伊就會親像老師。你哪干焦啲看兄弟目睭內的柴幼仔，亦無注意著家己目睭內有柴箍？你無看見家己目睭內有柴箍，哪會當給你的兄弟講：兄弟啊，你目睭內的柴幼仔我來給你提出來。假好的人，家己目睭內的柴箍著先提出來，才會當看清楚，通給兄弟目睭內的柴幼仔提出來。（路6:39-42）





好樹纔結歹果子；歹樹嘛纔結好果子。逐穢樹對所結的果子來知伊的好歹。纔當對刺 挽無花果，嘛纔當對草刺收葡萄。好人對心內所積聚的好發出好；歹人對所積聚的歹發出歹。因為人心內充滿什麼，嘴就講什麼。(路6:43-45)




是按怎恁稱呼我『主啊，主啊』卻無實行我的教示？來我遮聽我的話，閣實行的人，我給恁講，伊親像什麼。伊親像人起厝，土掘真深，地基下佇石磐頂；大水來，水沖著厝，厝嘛艱搖動，因為厝起真堅固。(路6:46-48)





毋拘聽我諸個話無實行的人親像人起厝無下地基，水一下沖，厝隨時倒落去，甚至倒甲真厲害。（路6:49）





耶穌講互民眾聽的話攞講煞，就入去迦百農。有一個羅馬軍官，伊所重用的僕人破病，病甲啲欲死。軍官聽著耶穌的代誌，就差幾若個猶太人的長老去耶穌遇，請耶穌來醫治伊的僕人。（路7:1-3）




諸個長老到耶穌遐，懇切求伊講：此個人會堪得你給伊幫贊，因為伊愛護咱猶太人，閣給咱起會堂。（路7:4-5）





耶穌就及個去。耶穌啲欲到伊的厝的時，彼個軍官差幾若個朋友來給伊講：主啊，毋通勞煩你，你來阮兜，我膾堪得。所以我才毋敢家己來見你。你只有講一句話，我的僕人就會好。因為我是互人管的人，嘛有兵互我管。我給此個講『去』，伊就去；給別個『來』，伊就來；給我的僕人講『你做此個』，伊就去做。(路7:6-8)



耶穌聽著諸個話對伊感覺真意外，越轉身給隨伊的群眾講：我給恁講，連佇以色列人的中間，我都猶毋曾看著此款的信心。受差的人轉去軍官的厝，看著僕人已經好去。(路7:9-10)



過無倂久，耶穌去一個城，叫做拿因。伊的門徒及歸大陣人隨伊去。耶穌欲到城門的時，抵好有人扛一個死人出來，伊的老母孤孤生此個子，閣是寡婦。有一陣城內的人出來送葬。主一下看著此個寡婦就可憐伊，給伊講：毋通哭！（路7:11-13）




後耶穌行倚去按扛身屍的架，扛的人就停腳。耶穌講：少年人，我給你講：起來！彼個死人就足百起來坐，開嘴講話。（路7:14-15上）




耶穌就將伊交互伊的老母。眾人攏非常驚惶，將榮光歸互上帝，講：咱中間有出現一位大先知啦！閣講：上帝有看顧伊的子民！關係耶穌此個風聲傳到全猶太及周圍逐地區。（路7:15下-17）



約翰的門徒將諸個
代誌攏給約翰報告。
約翰就叫兩個門徒
來，差佢去見主，
講：你就是啲欲來
彼位，抑是阮著聽
候別人？
(路7:18-19)





諸個人來到耶穌邊，就講：施洗者約翰差阮來問你講「你就是啲欲來彼位，抑是阮著聽候別人？抵彼時，耶穌有醫好真多身苦病疼及互邪神附身的人，閣互真多失明的人會看見。耶穌應講：恁轉去給約翰報告恁所看著及聽著的，就是失明的人閣看見，腳跛的人行路，癱瘋病人清氣，耳孔膾聽見的人聽見，死人閣活，散赤人有好消息傳互個。對我無失去信心的人真有福氣！（路7:20-23）



約翰差來的人離開了後，耶穌才對群眾講起約翰的事。伊講：恁出去曠野是欲看什麼？欲看互風吹搖來搖去的蘆葦是無？若毋是，恁出去欲看什麼？欲看穿高貴衣服的人是無？恁看，穿奢華的衣服生活奢侈的人是佇王宮。按呢，恁出去欲看什麼？欲看先知是無？是，毋拘我給恁講，伊比先知閣較偉大。(路7:24-26)





關係約翰，聖經有按呢記載：看啊，我差我的使者做你的先鋒；伊欲佇你的頭前給你開路。我給恁講，婦仁人所生的無一個比約翰較偉大；毋拘，佇上帝國上微細的猶比伊閣較偉大！（路7:27-28）





聽著諸個話的民眾及貿稅的嘛攏承認上帝是公義，因為佢有領受約翰的洗禮。毋拘法利賽派的人及律法教師攏拒絕上帝對佢所定的旨意，無領受約翰的洗禮。(路7:29-30)




耶穌閣講：按呢，此世代的人我欲用什麼來比並？佢親像什麼？佢親像一陣囡仔坐佇市場口對同伴互相喝：阮對恁歡筵仔，恁無跳舞！阮唱哀歌，恁嘛無哭！施洗者約翰來，無食飯，無飲酒，恁就講：伊互鬼附身！**人子**來，嘛食嘛飲，恁就講：伊是貪食好酒的人，是貿稅的及罪人的朋友。智慧是對有智慧的人得著證實。
(路7:31-35)



有一個法利賽派的人請耶穌食飯，耶穌就入去彼個法利賽人的厝坐桌食飯。彼個城內有一個有罪的婦仁人，伊知耶穌佇彼個法利賽人的厝啲食飯，就帶一罐貯芳油的玉瓶來。（路7:36-37）





伊倚佇耶穌的後面，倚伊的腳啲哭，目屎滴霑伊的腳，就用家己的頭毛給拭，閣直直啣伊的腳，用芳油給抹。（路7:38）




請耶穌彼個法利賽人一下看著，心內想：此個人若是先知，一定會知啲給伊摸的是啥人，是什麼款查某人，因為伊是罪人。(路7:39)




耶穌就對伊講：西門，我有話欲給你講。西門講：老師，請講。耶穌就講：有兩個人對一個債主借錢，一個欠伊五百個銀仔，猶一個欠伊五十。佢無法度通還，債主就擦消佢的債。按呢，叨一個會較疼債主？西門應講：我想是債受擦消較多彼個。耶穌給伊講：你的判斷真著。(路7:40-43)




然後耶穌越頭向婦仁人，對西門講：你有看著此個婦仁人無？我入你的厝，你無用水互我洗腳，毋拘伊用目屎滴霑我的腳，閣用伊的頭毛拭。你無給我喫，毋拘我入來了後，伊直直喫我的腳。你無用油抹我的頭殼，毋拘伊用芳油抹我的腳。（路7:44-46）



所以，我給你講，伊疼較多，表示伊真多的罪過已經有得著赦免。得著赦免較少，疼就少。耶穌就給婦仁人講：你的罪得著赦免啦。全桌許個人心內想：此個到底是什麼人，伊竟然赦免人的罪！耶穌給彼個婦仁人講：你的信心有救你；平安倒去。（路7:47-50）




過無倂久，耶穌逐城市逐庄社行透透傳道，宣揚上帝國的福音。十二使徒及伊做陣，有一寡曾互邪神附身抑是破病互耶穌醫好的婦仁人嘛及伊做夥去，其中有末大拉的馬利亞 — 耶穌曾對伊身上趕出七個鬼，希律的管家苦撒的某約亞娜，及蘇撒娜，以及其他真多婦仁人，個曾用家己的財物服事耶穌及伊的門徒。（路8:1-3）





有一大陣人對逐個城市一直聚集來耶穌邇的時，伊用譬喻給個講：有一個撒種籽的人出去撒種籽。伊撒的時，有的落佇路邊，互人踏，空中的鳥給伊食了了。(路8:4-5)





有的落仔石頭地，因為無水分，發出來就焦去。有的落仔莉帕內，刺仔及種籽平平大穢起來，煞給伊翕死。（路8:6-7）





有的落落去好土地，大穰起來，結實一百倍。諸個話講煞，耶穌閣大聲講：有耳孔通聽的人，著聽！（路8:8）



耶穌的門徒問伊此個譬喻是什麼意思。伊講：**上帝國**的奧祕已經有互恁知，毋拘對別人就用譬喻，欲互佢看，嘛看無，聽，嘛無了解。此個譬喻的意思是按呢：種籽是上帝的信息。（路8:9-11）



落佇路邊的，是人聽著信息，魔鬼隨時來，對個心內將信息搶去，才膾互個信來得救。落佇石頭地的，是人聽著信息，隨時歡喜接受，不過無釘根，只有暫時信，一下抵著試煉就放揀。（路8:12-13）




落仔莉帕內的，是人聽著信息了後，受著生活的掛慮，錢財及享樂的阻礙，信息受翕死煞癯成熟。落仔好土地的，是人聽著信息，用誠實善良的心接受，耐心聽候到結實。(路8:14-15)




無人燈點了用甕仔蓋起來抑是囡佇眠床腳，是給伊跪佇燈台頂，通互入來的人看著光。因為無一項隱密的膾顯露；無一項掩蓋的膾露現，膾互人知。所以，著注意欲按怎聽；因為有的，欲互伊閣較多；無的，連伊家己想講有的嘛欲給伊搶起來。（路8:16-18）



耶穌的老母及兄弟來尋伊，毋拘人真多，艱當倚去。有人給伊講：「你的老母及兄弟倚佇外面欲見你。耶穌對佢講：聽上帝的話有去實行的人就是我的老母，我的兄弟。（路8:19-21）」




有一日，耶穌及伊的門徒上船的時給佢講：咱過來去彼旁岸。佢就開船。船啲行的時，耶穌睏去。忽然有一陣大風掃落來湖裡，船互水淹到欲滿，真危險。(路8:22-23)





門徒去給伊叫醒，講：老師，老師，咱欲無命囉！耶穌醒起來，責備風及大湧，風湧定，一切就靜靜。耶穌對門徒講：恁哪赫呢無信心？個驚惶閣奇怪，大家講來講去：此個是什麼人？伊一下命令，連風及湧攏順服。（路8:24-25）



耶穌及門徒坐船去加利利的對面岸，格拉森人的地區。耶穌落船上岸；有一個鬼附身的人對城裡出來抵著伊。此個人已經真久無穿衫，嘛無住佇厝內，攏住佇墓仔埔。伊一下看著耶穌，就仆佇伊的面前，大聲喝：**至高上帝的子**耶穌，你 插我！我懇求你，毋通給我苦楚！（路8:26-28）





因為耶穌有命令邪神對此個人出去。邪神曾真多擺給伊掠啲，人給伊關起來，用鐵鍊給伊鍊，用腳銬給伊銬，毋拘伊給鎖鍊攏擦斷，閣互鬼趕去曠野。(路8:29)




耶穌問伊：你叫做什麼名？伊應講：軍團，因為有真多鬼給伊附身。鬼哀求耶穌毋通命令佢入去深淵。彼時，附近的山坪有一大群豬啲討食，鬼就求耶穌互佢入去豬群。耶穌准佢。（路8:30-32）



鬼就對彼個人出去，進入豬群。歸群豬就對山坪闖落去湖裡，**都死。**
(路8:33)





許個飼豬的人看著所發生的代誌，驚甲走去城內及鄉村報人知。人就出來欲看發生什麼代誌。佢來到耶穌邊，看著邪神已經對伊出去，彼個人有穿衫，精神正常，坐佇耶穌的腳前，佢就真著驚。
(路8:34-35)





看著此個代誌的人就將彼個互鬼附身的人按怎得著醫好的代誌給眾人報告。格拉森附近所有的人求耶穌離開佢邊，因為佢非常驚惶。耶穌就坐船倒轉去。鬼對伊出去彼個人求耶穌，愛欲隨伊去。毋拘耶穌叫伊轉去，講：轉去恁兜，將上帝為著你所做一切的代誌報互人知。彼個人就轉去，將耶穌為著伊所做赫呢大的代誌傳揚互全城的人知。（路8:36-39）





耶穌轉來的時，有一陣人給伊歡迎，因為佢攞啲聽候伊。有一個會堂的主管名叫做葉魯來，伊一下看著耶穌就仆佇伊的腳前，懇求伊去佢兜。因為伊十二歲的獨生查某子啲欲死啊。耶穌就及伊去；有歸大陣人嘛挨挨搭搭隨伊去。(路8:40-42)




彼時，有一個婦仁人致著血漏病已經十二年久，雖然傾家蕩產尋醫生，毋拘無人會當給伊醫好。伊行倚去耶穌的後面，摸伊衫仔裾的鬚，伊的血漏隨時止。耶穌講：什麼人給我摸？大家攏講無。彼得講：老師，是群眾搭來搭去的時給你搭著。（路8:43-45）



耶穌講：有人給我摸著，因為我知有大能力對我出去。婦仁人知影掩蓋艱牢，就皮皮憊，來仆佇耶穌的腳前，佇眾人的面前講伊是按怎摸耶穌，閣伊的病按怎隨時好去。耶穌給伊講：查某子，你的信心互你好去啦，平安倒去。（路8:46-48）



耶穌猶啲講的時，有人對會堂主管的厝來，給葉魯講：你的查某子已經死去，毋通閣勞煩老師。耶穌聽著就給葉魯講：毋免驚，只有信，伊會好起來。(路8:49-50)




耶穌來到個兜的時，彼得、約翰、雅各，及囡仔的父母以外，毋准別人及伊做夥入去。大家攞為著死去的查某囡仔啲哮啲哭。耶穌講：毋通哭，因為伊毋是死去，是啲睏。因為個攞知彼個查某囡仔已經死去，就給伊恥笑。(路8:51-53)





耶穌牽查某囡仔的手，大聲講：查某囡仔，起來！伊就回魂，隨時足百起來。耶穌吩咐個著互查某囡仔食。伊的父母非常著驚。耶穌命令個毋通將所發生的代誌報人知。（路8:54-56）





耶穌召集十二使徒，互偈有能力及權柄通制壓攏總的鬼，閣醫好真多病症。然後伊差偈出去宣講上帝國的福音，閣醫治病人。伊交代偈，講：出門的時什麼攏毋通帶：毋通帶柺仔；毋通帶旅行袋；毋通帶食物；毋通帶錢；嘛毋通有兩領內衫。（路9:1-3）




恁無論入去叨一間厝，著住佇遐，也對遐離開。佢若毋接納恁，恁離開彼個城的時，著將腳裡的土粉拌掉，表示對佢警告。（路9:4-5）




個出去，一庄過一庄傳福音，閣佇逐所在醫好病人。（路9:6）





加利利分封的王希律聽著所發生一切的代誌，心內非常不安，因為有人講施洗者約翰已經對死人中閣活；嘛有人講以利亞有出現；閣有人講古早的一個先知有閣活。希律講：約翰，我已經給伊斬頭啦，按呢我聽恁啲講此個到底是什麼人？伊就愛欲見耶穌。
(路9:7-9)



使徒轉來耶穌邊，將個所做的代誌攞給伊報告。耶穌就干焦導個退去一個叫做伯賽大的城。群眾一下知就隨伊去。耶穌歡迎個，講**上帝國**的事互個聽，閣醫好許個需要醫治的人。日欲暗的時，十二使徒來給耶穌講：請給群眾解散，通互個去附近的庄社尋食物及住的所在，因為咱佇遮偏僻無人住。(路9:10-12)



耶穌給佢講：恁互個食。佢講：咱只有五個餅，兩尾魚，若無去買哪有夠通互即多人食？佇遐差不多有五千個查甫人。耶穌就對門徒講：叫佢分組坐落去，逐組差不多五十個人。佢照按呢做，叫眾人攏坐落去。（路9:13-15）



耶穌提彼五個餅及兩尾魚，向天感謝，擘開，提互門徒去分互群眾。（路9:16）



大家攞食，食到飽。門徒將所賻的碎屑仔攞拾起來，攞總滿十二籃。(路9:17)



有一遍，耶穌家己一個啲祈禱的時，門徒來尋伊。伊問佢講：眾人講我是什麼人？佢應講：有人講你是施洗者約翰；毋拘有人講是以利亞；嘛有人講是古早的一個先知閣活。耶穌閣問佢講：恁咧，恁講我是什麼人？彼得應講：你是上帝設立的**基督**！（路9:18-20）





耶穌命令個毋通對人講起此個代誌。伊講：**人子**一定著受真多苦難，互長老、祭司長，及經學教師拒絕，閣互人害死，第三日上帝會互伊閣活。(路9:21-22)





耶穌閣對眾人講：欲隨我的人，著否定家己，逐日夯家己的十字架來隨我。因為欲救家己的性命的，會喪失性命；為著我的緣故喪失家己的性命的，伊會救著性命。人得著全世界煞喪失家己，抑是毀滅家己，有什麼利益？（路9:23-25）



對我及我的話感覺見笑的人，人子佇伊家己及父以及聖天使的榮光
中來臨的時，嘛會因為此個人感覺見笑。我實在給恁講，倚佇遮的
人，有的猶未死以前會看見上帝國。(路9:26-27)



諸個話講了，差不多八日後，耶穌導彼得、約翰，及雅各上山去祈禱。伊啲祈禱的時，面貌改變，伊的衫變甲白鑠鑠。
(路9:28-29)





忽然間，有兩個人，就是摩西及以利亞，來及耶穌講話。個仔榮光中出現，談論耶穌啲欲仔耶路撒冷死來完成使命的事。彼得及伊的同伴恸甲暈去。個一下醒，看見耶穌的榮光以及及伊倚做夥彼兩個人。個啲欲離開耶穌的時，彼得給耶穌講：老師，咱仔遮真好，阮來搭三間寮仔，一間互你，一間互摩西，一間互以利亞。伊毋知家己啲講什麼。(路9:30-33)





伊啲講諸個話的時，有一片雲來，給個罩啲；個互雲包圍的時，起驚惶。有聲對雲出來，講：此個是我的子，我所揀選的，恁著聽趁伊。彼個聲講了，干焦睇耶穌一個佇遐。有一段時間，門徒攏恬恬，無給人講起個所看見的代誌。（路9:34-36）





隔日，個對山頂落來的時，有歸大陣人來迎接耶穌。彼時，群眾的中間有一個人喝講：先生，我此個後生求你給伊看一下，伊是我的孤子。鬼一下附身，伊隨時亂噶。鬼互伊抽慳，呼白波涎，閣給伊傷害，攞毋放伊煞。我有請你的門徒給鬼趕出去，個攞無法度。
(路9:37-40)




耶穌應講：唉啊，毋信閣腐敗的世代！我著及恁住偌久？我著忍耐恁偌久？給你的後生導來遮。伊互人導來的時，鬼給伊摔倒互伊抽懶。耶穌就責備邪神，醫好彼個囡仔，將伊交互老父。（路9:41-42）



眾人對上帝偉大的權能感覺真著驚。眾人對耶穌所做一切的代誌猶啲著驚的時，耶穌對伊的門徒講：諸個話恁著注意聽：人子啲欲互人出賣交佇人的手頭。不過門徒無明白此句話，因為意思有對個蓋起來互個膾了解，個嘛毋敢問耶穌此句話的意思。（路9:43-45）



門徒互相爭論什麼人上大。耶穌知佢心內啲爭論什麼，就牽一個囡仔來倚佇伊身邊，然後給佢講：無論什麼人為著我的名接納此個囡仔，就是接納我；接納我的就是接納差我來彼位。恁眾人中間上細的就是上大。（路9:46-48）




約翰講：老師，阮有看著一個人奉你的名趕鬼，阮給伊阻擋，因為伊無及阮隨你。耶穌給伊講：毋通給伊阻擋，因為無反對恁的就是為恁。(路9:49-50)

大綱


- | | |
|-----------------|-------------|
| 一、引言 | 1:1-1:4 |
| 二、施洗約翰及耶穌的降生及童年 | 1:5-2:52 |
| 三、施洗約翰的工作 | 3:1-3:20 |
| 四、耶穌接受洗禮及受試探 | 3:21-4:13 |
| 五、耶穌佇加利利的工作 | 4:14-9:50 |
| 六、加利利到耶路撒冷 | 9:51-19:27 |
| 七、最後一禮拜佇耶路撒冷及附近 | 19:28-23:56 |
| 八、主的閣活顯現及升天 | 24:1-24:53 |




耶穌受接上天的日子喲欲到，就決意欲去耶路撒冷。伊差派使者代先去。佢入去撒馬利亞人的庄頭，為著耶穌準備。彼所在的人無歡迎耶穌，因為伊欲去耶路撒冷。伊的門徒雅各及約翰看著，就講：主啊，阮對天頂叫火落來給佢毀滅好無？（路9:51-54）



耶穌越過來，給佢責備。佢就去別個庄頭。（路9:55-56）



個佇路中的時，有一個人對耶穌講：你無論去叨位，我攞欲隨你。耶穌給伊講：狐狸有孔，空中的鳥有巢，不過人子連靠頭殼的所在都無。（路9:57-58）




耶穌閣對另外一個人講：來隨我！彼個人應講：主啊，聽候阮序大人百歲年老，我就來隨你。耶穌應講：互死人去埋葬個家己的死人。不過，你著去宣講上帝國的福音。閣有一個人講：主啊，我欲隨你；不過互我代先轉去厝裡及家內的人相辭。耶穌對伊講：手按佇犁尾猶直直越頭看後面的人無適合上帝國。(路9:59-62)




諸個代誌了後，主另外揀七十二人，差佢兩個兩個先去伊本身想欲去的逐個城逐個所在。耶穌給佢講：通收成的真多，作工的人真少。所以，恁著祈求管收成的主派工人去收成。去！我差恁出去，親像送羊仔入去豺狼的內面。毋通帶錢袋，毋通帶旅行袋，嘛毋通帶鞋，佇路裡毋通給人請安。（路10:1-4）




恁無論入去叨一間厝，著代先講『願恁此家平安！』佇遐若有愛平安的人，恁的平安會留佇佢遐；若無，彼個平安會倒轉來歸恁。恁著1店彼個家。佢準備什麼，恁就食什麼，飲什麼，因為作工的人應該得著工錢。恁毋通對此家徒過彼家。(路10:5-7)




恁無論入去叨一個城，人若接待恁，捧什麼出來，恁就食什麼。城內有病的人著給個醫，續給個講：上帝的主權啲欲實現啦。無論入去叨一個城，人若無歡迎恁，恁著出去大街路講：連恁此個城牢佇阮腳的土粉，阮都欲拌掉給恁警告；不過恁著知上帝的主權啲欲實現啦。（路10:8-11）



我給恁講，佇審判的日，所多瑪所受的刑罰會比彼個城所受的閣較好忍受。哥拉汛，你慘啊！伯賽大，你慘啊！我佇恁中間行的神跡若佇泰爾及西頓行，個早就穿麻衫，坐佇火灰頂悔改啦。佇審判的時，泰爾及西頓受的刑罰會比恁著受的較好忍受。（路10:12-14）




你咧，迦百農，你愛人給你扶上天是無？ 猶，上帝會給你抗落陰府！
聽趁恁的就是聽趁我，拒絕恁的就是拒絕我；拒絕我的就是拒絕差
我來彼位。(路10:15-16)





彼七十二人歡歡喜喜倒來，報告講：主啊，阮奉你的名命令，連鬼都服從阮！耶穌給佢講：我有看見撒旦親像熠熾對天頂摔落來。著知，我有賜恁權柄通踏蛇及蝎仔蟲，閣通制伏對敵一切的能力；無一項會給恁傷害。不過，毋通因為諸個邪神降服恁，恁就歡喜；著因為恁的名記載佇天頂來歡喜。(路10:17-20)




彼時，耶穌互聖神感動滿心歡喜，講：父啊，天地的主，我感謝你，因為你有將諸個事對有智慧有學問的人蓋起來，毋拘對細漢囡仔啟示。父啊，是啦，因為這是你的好旨意。我的父已經有將一切攞交託我。父以外無人識子是什麼人；子及子愛欲啟示的人以外嘛無人識父是什麼人。（路10:21-22）





耶穌越轉身私下對門徒講：有目睇通看恁所看見的，彼個人真有福氣！我給恁講，以前有真多先知及君王愛欲看恁所看見的亦無看著，欲聽恁所聽見的亦無聽著。(路10:23-24)





有一個律法教師倚起來試探耶穌，講：老師，我著做什麼才會得著**永遠的活命**？耶穌應伊講：律法有寫什麼？你按怎了解？彼個人應講：你著全心、全情、全力、全意疼主——你的上帝；閣著疼厝邊親像疼家己。耶穌給伊講：你應了真著。照按呢去做就會得著**活命**。彼個律法教師為著欲表明家己是著，就閣問耶穌：什麼人是我的厝邊？（路10:25-29）





耶穌應講：有一個人對耶路撒冷落去耶利哥，抵著強盜；佢剝伊的衫，閣給伊拍到半死，然後給伊放下啲，做佢去。（路10:30）




抵好有一個祭司對彼條路落來，看著彼個人就閃對路的彼旁過去。
像款，有一個利未人來到彼個所在，看著彼個人嘛閃對路的彼旁過去。
(路10:31-32)



總是，有一個撒馬利亞人對遇經過，一下看著彼個人就心真毋甘，行倚去，用油及酒抹伊的孔嘴，閣用布給伊包紮，然後給伊扶去騎家己的驢仔，導伊去旅館，給伊照顧。(路10:33-34)





隔日，伊提兩個銀仔交互旅館的頭家，交代講：請你照顧此個人，所費若著較多，我倒來的時會補你。耶穌問彼個律法教師：你想，此三個人叨一個是互強盜搶彼個人的厝邊？伊應講：給伊憐憫彼個。耶穌給伊講：你去，照按呢去做。（路10:35-37）





耶穌及門徒繼續行。耶穌入去一個庄頭，有一個婦仁人，叫做馬大，給伊接待。馬大有一個小妹，叫做馬利亞，坐佇主的腳前聽伊的教示。(路10:38-39)




馬大為著接待，代誌多心齷齪，就來給耶穌講：主啊，我的小妹放我家己一個啲摸，你哪無要無緊？叫伊來給我鬥腳手。主應伊講：馬大，馬大，你為著代誌多啲掛慮操煩；所需要的只有一項。馬利亞已經揀著上好彼份，無人會當給伊搶去。（路10:40-42）




有一遍，耶穌佇一個所在啲祈禱。伊祈禱煞的時，有一個門徒給伊講：主啊，約翰有教伊的門徒祈禱，請你嘛教阮祈禱。（路11:1）




耶穌給佢講：恁祈禱的時，著按呢講：父啊，願你的聖名受尊崇。願你施行主權。求你逐日賜阮所需要的食物。求你赦免阮的罪，因為阮家已嘛有赦免所有辜負阮的人。求你毋通互阮陷落擔當膾起的試探。（路11:2-4）




耶穌閣對伊的門徒講：恁中間有什麼人半暝去朋友邊，給伊講：朋友，請你借我三塊餅，因為我有一個朋友旅行來到阮遮，我無物件通請伊。你的朋友會對厝內應講：勿愛給我吵，門已經關，我及囡仔佇眠床啲睏啦，膾當起來提互你我給你講，雖然彼個人膾因為伊是朋友起來提餅互伊，嘛會因為伊迫切懇求，起來提所需要的物互伊。(路11:5-8)




所以，我給恁講：求，會得著；尋，會尋著；拍門，會給恁開。因為求的，就得著；尋的，就尋著；拍門的，就給伊開。恁中間作老父的，家己的子給恁討魚，豈會掠蛇互伊？抑是給恁討蛋，豈會掠蝎仔蟲互伊？恁雖然歹，猶會曉提好物互恁的子兒，何況恁的天父，伊一定會將聖神賜互對伊祈求的人！（路11:9-13）




耶穌趕一個啞口鬼；鬼一下出去，彼個癡講話的人就講話，群眾攏著驚。毋拘，其中有人講：伊靠鬼王別西卜趕鬼。（路11:14-15）



閣有一寡人欲試探耶穌，一直要求伊行對天來的神跡。耶穌知影個啲想什麼，就給個講：國家家已紛爭，會荒廢；家庭家已紛爭，會倒壞。撒旦若家已紛爭，撒旦的國哪倚會牢？恁講我是倚靠別西卜趕鬼。我若靠別西卜趕鬼，恁的子弟是靠什麼人趕鬼？按呢，恁家己的子弟會給恁判罪。（路11:16-19）



不過我若是靠上帝的氣力啲趕鬼，上帝的主權就已經佇恁中間實現啦。勇士武裝全備顧守家己的厝，伊的財物就安全。毋拘有一個比伊較勇的人來攻擊，拍贏，就將伊所倚靠的武器搶去，閣將所搶的財物分了了。無為我的就是反對我；無及我做夥收集的就是啲拍散。
(路11:20-23)



邪神離開所附身的人了後，佇無水的地區行透透，欲尋一個歇暈的所在，尋攏無，就講：我欲轉來去我出來彼間厝。伊轉去，看著厝內掃甲真清氣，閣整理好勢。後來，伊去導七個比伊較歹的邪神來，入去遐住。按呢，彼個人的結局比起頭閣較慘。（路11:24-26）



耶穌啲講諸個話的時，
群眾內面有一個婦仁
人大聲對耶穌講：生
你，互你啲奶的婦仁
人真有福氣！不過耶
穌應講：聽上帝的話
閣遵守的人閣較有福
氣！（路11:27-28）




群眾愈來愈多，耶穌就講：此世代真正是邪惡的世代！佢要求神跡，毋拘約拿的神跡以外，鱸閣有神跡互佢。抵親像約拿成做尼尼微人的神跡，人子嘛欲成做此世代的人的神跡。（路11:29-30）




佇審判的時，南方的女王會及此世代的人做夥起來給個定罪，因為伊有對地的極頭來聽所羅門智慧的話。恁看，有比所羅門閣較偉大的佇遮！佇審判的時，尼尼微人會及此世代的人做夥起來給個定罪，因為尼尼微人聽著約拿的傳道了後攏有悔改。恁看，有比約拿閣較偉大的佇遮！（路11:31-32）



無人點燈下佇人看爿著的所在，抑是蓋佇斗下；一定是下佇燈台頂，通互入來的人看著光。你的目矙是身軀的燈。你的目矙若金，歸身軀就光明；你的目矙若花，歸身軀就烏暗。所以，著小心，毋通互你內面的光變做暗。你歸身軀若攏光明，連一點仔烏暗都無，就會親像燈光映映啲給你照，完全光明。(路11:33-36)




耶穌啲講諸個話的時，有一個法利賽派的人請伊食飯，伊就入去坐桌。彼個法利賽人看著伊食飯無先洗手，感覺真奇怪。主就給伊講：恁法利賽人只有將杯及盤的外面洗清氣，毋拘恁的內面充滿貪慾及邪惡！恁諸個戇人！彼位創造外面的上帝豈毋是嘛有創造內面？著提杯及盤內面的物件去賑濟，按呢恁的一切就攞清氣。
(路11:37-41)




恁諸個法利賽人慘啊！因為恁將薄荷、芸香，及逐款菜蔬奉獻十分一互上帝，毋拘無重視公義及疼上帝。其實諸個才是恁應該實行的，其他的嘛毋通忽略。恁諸個法利賽人慘啊！因為恁愛佇會堂坐高位，佇市場口互人給恁請安。恁慘啊！因為恁親像看殮出的墓，人對頂面行過嘛毋知。（路11:42-44）



有一個律法教師給耶穌講：老師，你講諸個話嘛是啲侮辱阮！耶穌應伊講：連恁諸個律法教師嘛慘啊！因為恁將擔無法的重擔互人擔，家己連一支指頭仔都毋肯振動來減輕佢的重擔。恁慘啊！恁的祖先剖死許個先知，恁給佢造墓。按呢，恁家己證實，嘛贊成祖先所做的代誌，因為佢剖死先知，恁給佢造墓。（路11:45-48）



所以，上帝的智慧嘛有講：我欲差先知及使徒去個遐，其中有的會互個剷死，有的會互個迫害。按呢，對創造天地以來，就是對亞伯起直到佇祭壇及聖所的中間互人殺害的撒迦利亞為止，個所流的血，此世代的人攏著還。著，我給恁講，許個債攏會給恁此世代的人討。（路11:49-51）




恁諸個律法教師慘啊！因為恁將開智識的門的鎖匙給人提走，家已毋入去，欲入去的人，恁煞給個阻擋！耶穌對退出來的時，經學教師及法利賽人就極力給伊攻擊，迫伊講較多話，當等伊講毋著，通掠伊的話縫。(路11:52-54)




彼時，有幾若干人搭做夥，致到互相踐踏。耶穌就先對伊的門徒講：「著持防法利賽派的酵，就是假好。無一項掩蓋的膾露現；嘛無一項祕密的膾互人知。所以，恁佇暗中講的，會佇光明中互人聽著；恁佇房間內耳孔邊講的，會互人佇厝尾頂宣布。（路12:1-3）




朋友，我給恁講，害死恁的身軀了後，猶當閣對恁做什麼的，毋免驚。我欲指示恁應該驚的是叨一位。恁應該驚上帝；伊互人死了後，猶有權通給人抆落地獄。是！我給恁講，著驚此位！五隻雀鳥仔豈毋是賣兩角銀若定？上帝連一隻都無猶記得。連恁的頭毛都攏有算過。毋免驚！恁比歸群雀鳥仔閣較貴重！（路12:4-7）



我給恁講，佇人的面前宣認我的，**人子**佇上帝的天使面前嘛會認伊。毋拘佇人的面前毋認我的，**人子**佇上帝的天使面前嘛毋認伊。無論什麼人講話敵對**人子**，會得著赦免。毋拘褻瀆聖神的，儻得著赦免。恁互人掠到會堂，佇統治者抑是官員面前的時，毋免煩惱著按怎答辯，抑是著講什麼。因為彼個時聖神會教恁著講什麼。（路12:8-12）



眾人的中間有一個人給耶穌講：老師，請你教我的兄弟及我分家伙。耶穌給伊講：你此個人，啥人任命我做恁的判官抑是公親？伊就對眾人講：著謹慎，著持防逐款的貪心，因為人的性命毋是在佇財產的多少。（路12:13-15）



後來耶穌用一個譬喻給佢講：有一個好額人，伊的田園大豐收。伊心內想來想去，講：我無夠所在通囤五穀，今欲按怎？伊就講：我著按呢做。我欲給倉庫拆起來閣起較大間，通來囤五穀及一切的財物，然後對我家己講：呃，你已經積聚真多財物，有夠通用真多年。今清閒啦，來飲，來食，來享受！（路12:16-19）




毋拘上帝給伊講： 戇人！ 今暝就欲收回你的性命； 你所積聚的一切
欲留互啥人？ 全款， 為著家己積聚財富， 無互上帝看做好額的嘛會
按呢。（路12:20-21）




耶穌閣對伊的門徒講：所以我給恁講，毋通為著恁的性命欲食什麼啲操煩；嘛毋通為著恁的身軀欲穿什麼啲操煩。因為性命比食物較重要；身軀比衣服較重要。恁看烏鴉，佢雖然無種作，無收成，無粟倉嘛無倉庫，上帝嘛啲給佢養飼，恁豈無比許個鳥仔閣較貴重！（路12:22-24）



恁豈有人想講操煩會當互家己的性命加活一時仔久？既然連即呢細項代誌恁都無才調做，哪著為其他的事操煩？恁看山野的花，佢按怎啲大儼？佢無勞苦，嘛無紡織。不過我給恁講，連所羅門上榮華的時，伊穿的衫都無比諸個花的一蕊閣較嬌。（路12:25-27）




山野的花草今仔日啲活，明仔載互人揸落火爐，上帝都按呢給個妝飾，伊閣較會給恁妝飾！恁哪即呢無信心！所以，恁毋通干焦啲想欲食什麼，飲什麼；嘛毋通操煩。諸個攏是此世間無信的人所啲追求的。恁的父知恁有需要諸個物件。（路12:28-30）




顛倒著代先追求伊主權的實現，諸個物件就會攏續互恁。恁細細的羊群啊，毋免驚，因為恁的父歡喜將**伊的國**互恁。（路12:31-32）




著賣恁的財產來賑濟散赤人。著為著恁家已準備用齧破的錢袋來積聚用齧了的財寶佇天頂；佇遐賊仔提齧著，蛀蟲嘛咬齧著。因為恁的財寶佇叨位，恁的心嘛會佇遐。(路12:33-34)



衫著穿好勢；燈著點互燻。著親像僕人啲聽候主人對婚宴轉來；主人轉來，一下拍門通隨時給伊開。主人轉來的時看著僕人醒醒，許個僕人真有福氣！我實在給恁講，主人會家己衫穿好勢，請佢坐桌，來給佢侍候。（路12:35-37）



主人若佇半暝抑是天欲光的時轉來，看著僕人醒醒，許個僕人真有福氣！此家的主人若知賊仔什麼時陣會來，一定擔互賊仔侵入伊的厝。所以，恁嘛著準備便便，因為人子會佇恁想擔到的時陣來臨。（路12:38-40）



彼得講：主啊，你此個譬喻是對阮講，抑是對眾人講？主講：什麼人是忠實閣聰明的管家？就是主人交代伊管理其他的僕人，照時分食物互個彼個人。主人轉來的時，看著有照按呢啲做彼個僕人實在有福氣。（路12:41-43）




我實在給恁講，主人會派此個僕人管理伊攏總的財產。彼個僕人若心內想講『我的主人膾赫緊轉來』，就起手拍其他的僕人奴婢，亦食亦飲，閣飲到酒醉。彼個僕人的主人會佇伊無按算的日，毋知的時轉來。主人會嚴嚴給伊處罰，給伊及無忠實的人園做堆。
(路12:44-46)



僕人知主人的意思卻無去準備，抑是無照主人的意思去做，伊會互主人拍真慄。不過毋知主人的意思去做應該受處罰的代誌，彼個僕人會互主人拍較輕。互伊較多，就對伊提較多；交代伊較多，就對伊要求較多。(路12:47-48)



我來是欲將火扞落地上，我偈仔呢愛火已經燻起來！我有應該受的洗禮；此個洗禮猶未受以前，我實在真艱苦！恁想講我來是欲互地上和平是無？我給恁講，毋是，顛倒是分裂。（路12:49-51）





對今以後，一家有五個人，佢會分裂，三個對兩個，兩個對三個。
佢會分裂，老父對後生，後生對老父；老母對查某子，查某子對老
母；大家對新婦，新婦對大家。(路12:52-53)




耶穌閣給眾人講：恁看著雲對西旁起來的時，隨時講「啲欲落雨啦」，果然就落雨。透南風的時，恁講「啲欲燒熱啦」，就真正燒熱。假好的人，恁都會曉判斷天及地的景象，哪膾曉判斷此個時代？恁是按恁毋家已判斷什麼是合理？（路12:54-57）




你及控告你的人去見官長的時，著佇路中設法及伊和解；若無，伊會拖你去見判官，判官將你交互法警，法警就給你關落監。我給你講，最後的一仙五釐無還清楚，你絕對擔當出監。（路12:58-59）




抵彼個時，有幾若個人來，對耶穌講起彼拉多剖死佇祭壇獻祭的加利利人的代誌。耶穌應講：因為諸個加利利人受此款之災難，恁就想講個比其他的加利利人有犯較重的罪是無？我給恁講毋是，恁若無悔改，攏會親像個按呢滅亡。豈採恁嘛想講，西羅亞的塔倒落去的時，互伊砦死彼十八個人比住佇耶路撒冷攏總的人有犯較重的罪。我給恁講毋是，恁若無悔改，攏會親像個按呢滅亡。(路13:1-5)




後來，耶穌給佢講此個譬喻。伊講：有一個人佇伊的葡萄園種一機無花果樹。伊來彼機樹尋果子，毋拘尋攏無。伊就對顧園的人講：你看，我連續三年來此機無花果樹遮尋果子，尋攏無。給伊剷起來！哪著留啲鎮所在？彼個顧園的應講：主人啊，閣給伊留一年，我來掘四邊的土，閣落肥；明年若有結果子就好，若無，才給伊剷起來。(路13:6-9)



有一個安歇日，耶穌佇一個會堂內的教示人。有一個婦人邪神附身，破病十八年，身軀彎曲伸膾直。（路13:10-11）




耶穌一下看著，就叫伊來，給伊講：婦仁人，你的病已經好啦！耶穌用雙手給伊按；伊的身軀隨時伸直，就歸榮光互上帝。
(路13:12-13)



不過會堂的主管，因為耶穌佇安歇日給人醫病，就真受氣，對眾人講：咱有六日通做工，欲醫病著佇此中間來醫，毋應該佇安歇日。
(路13:14)



主應講：假好的人，恁逐個人豈無佇安歇日對柵裡解牛抑是驢，牽去飲水？此個婦仁人是亞伯拉罕的子孫，已經受撒旦束縛十八年久，佇安歇日給伊解放豈毋應該？（路13:15-16）




耶穌講諸個話的時，伊的對敵攏感覺見笑；所有的群眾因為伊所做一切奇妙的代誌攏真歡喜。（路13:17）



耶穌講：**上帝國**親像什麼？我著用什麼來比並？**上帝國**親像一粒芥菜籽，有人提去撒佇家己的園裡。芥菜漸漸大穰，成做樹，空中的鳥仔嘛佇樹枝做巢。（路13:18-19）



耶穌閣講：我欲用什麼來比並上帝國？上帝國親像酵母，有一個婦人提去濫佇三斗麵粉做夥抄，最後歸個攏發起來。（路13:20-21）




耶穌經過城市及庄腳去耶路撒冷，沿路教示人。有人問伊講：主啊，會得著救的人真少是無？耶穌給佢講：著盡力對狹的門入去。我給恁講，有真多人想欲入去亦膾當入。主人起來關門了後，恁才倚佇門外拍門，講：先生，請給阮開門！伊會應講：我毋知恁是叨位來的人。
(路13:22-25)




彼時，佢會講：阮曾及你做夥飲食；你嘛曾佇阮的街路教示。毋拘伊會講：我給佢講，我毋知佢是叨位來的人。佢諸個作歹的人攏離開我！佢看著亞伯拉罕、以撒、雅各，及所有的先知佇上帝國的內面，家己卻受趕出去外面，彼時佢會佇遐啼哭，咬牙切齒。人會對東西南北來，佇上帝國坐桌參加宴會。按呢，上路尾的會做第一；第一的會做上路尾。（路13:26-30）



抵彼個時，有一寡法利賽派的人倚來給耶穌講：你著離開遮去別個所在，因為希律想欲劊你。耶穌給佢講：恁去給彼隻狐狸講：你看，今仔日、明仔載我趕鬼，醫病，第三日完成我的工作。雖然是按呢，今仔日、明仔載，及後日，我一定著繼續行我的路，因為先知無應該佇耶路撒冷以外的所在互人劊死。（路13:31-33）



耶路撒冷啊，耶路撒冷啊，你剷死先知，閣用石頭枕死上帝差來你遮的使者。我偌多遍愛欲聚集你的子兒，親像雞母聚集雞仔子給個攔佇翼股下，恁攏無愛。恁看，恁的厝會荒廢！我給恁講，對今以後恁絕對看膾著我，直到恁講『奉主的名來彼位應該受稱讚！』
(路13:34-35)



有一個安歇日，耶穌去一個法利賽派的領袖個兜食飯。大家注意啲給伊看。彼時，佇伊的面前有一個臃脹病的人。耶穌問律法教師及法利賽人講：佇安歇日醫病有合法無？佢攞無應。耶穌就牽彼個人來，給伊醫好，互伊轉去。然後耶穌給佢講：恁中間豈有人家己的子抑是牛佇安歇日跋落鼓井，膾隨時給伊扭起來？佢對耶穌所問的話攞膾曉應。（路14:1-6）



耶穌看著人客啲揀大位，就用一個譬喻給佢講：恁互人請去赴婚宴的時，毋通坐大位，驚了有比你較尊貴的人客嘛來互伊請。彼時，請伊及你彼個主人會來給你講：請讓位互此個人客。彼陣，你會感覺真歹勢，煞著去坐上細的位。（路14:7-9）




你互人請的時，寧可去坐上細的位。按呢，請你的主人會來給你講：朋友，請來坐大位。彼陣，你佇全桌的人客面前就有體面。因為提高家己的，會受降低；毋拘屈低家己的，會受提高。（路14:10-11）




然後，耶穌嘛給請伊的主人講：你請人食中晝頓抑是暗頓的時，毋通請你的朋友、兄弟、親族、好額的厝邊，才免佢給你請倒轉，你煞受報答。你請人客的時，寧可請散赤人、行動無方便的人、腳跛的人、失明的人。按呢，你一定會受祝福，因為佢膾當給你報答。佇義人閣活的時，上帝會給你報答。

(路14:12-14)




全桌有一個人聽著諸個話就給耶穌講：會當佇上帝國飲食的人真有福氣！耶穌給伊講：有一個人辦大宴席，請真多人客。欲開桌的時，伊差僕人去給受請的人客講：請恁來；逐項攏準備好勢啦。毋拘個一個一個推辭。頭一個給伊講：我有買一塊地，著去看覓咧。請你諒解。另外一個講：我有買五對牛，著去試用看覓咧。請你諒解。閣一個講：我抵娶某，所以膾當去。（路14:15-20）



彼個僕人轉來給主人報告諸個代誌。彼家的主人就受氣，給僕人講：趕緊出去城內街頭巷尾，導許個散赤人、行動不便的人、失明的人、腳跛的人來。彼個僕人講：主人，你所吩咐的我已經攏有做，毋拘猶有空位。主人就給僕人講：出去大路及籬笆邊強迫人入來，通互我的厝坐滿。我給恁講，代先請許個人，無一個會當食我的宴席。（路14:21-24）



一大陣人及耶穌做陣行路，耶穌越過來給個講：隨我的人若疼家己的父母、某子、兄弟、姊妹，甚至家己的性命贏過疼我，猶當做我的門徒。無夯家己的十字架來隨我的猶當做我的門徒。
(路14:25-27)



恁中間有人想欲起一個塔，豈無代先坐落來估計看有夠錢通完成工程抑無？若無按呢做，伊拍地基了後煞艱當完成工程，所有看著的人會給伊恥笑，講：此個人有開始起，煞艱當完成！抑是，有一個國王欲去及別個國王交戰，伊豈艱先坐落來，想看伊會當用一萬個兵抵抗有兩萬個兵的國王抑艱？若知影艱，伊會趁彼個國王猶佇遠遠的時，差使者去及伊講和。（路14:28-32）



全款，恁中間無論什麼人，若無放揀家己所有的一切，猶當做我的門徒。鹽真有路用，毋拘若失味，欲按怎互伊閣鹹？失味的鹽猶當落田，嘛猶當餒肥，只有捱揀。有耳孔通聽的，著聽！
(路14:33-35)



有一遍，真多貿稅的及罪人倚來耶穌遐欲聽伊講道。法利賽派的人及經學教師嗷嗷唸，講：此個人接納罪人，及個食飯！耶穌就給個講此個譬喻：恁中間什麼人有一百隻羊拍毋見一隻，伊豈膾放彼九十九隻佇曠野，去尋拍毋見彼隻，尋到著？（路15:1-4）



一下尋著，伊就真歡喜，將彼隻羊揩佇肩頭。伊轉來到厝，叫朋友及厝邊來，給佢講：來鬥歡喜，因為拍毋見彼隻羊已經尋著。我給恁講，親像按呢，為著有一個悔改的罪人，比有九十九個毋免悔改的義人，佇天頂的歡喜會閣較大。(路15:5-7)





抑是，有一個婦仁人有十個銀圓，拍毋見一個，豈癩點燈，掃厝內，拍拼尋，尋到著？（路15:8）






伊一下尋著，就叫朋友及厝邊來，給佢講：來鬥歡喜，因為拍毋見彼個銀圓已經尋著。我給恁講，親像按呢，上帝的天使會為著一個罪人悔改來歡喜。(路15:9-10)





耶穌閣講：有一個人有兩個子；細漢的給老父講：阿爸，我應該得的財產，請你分互我。老父就將財產分互佢兩個。（路15:11-12）




過無幾日，細漢子將所得著全部的財產攞換做現金，然後出外去真遠的所在，佇遐放蕩，錢烏白開。伊所有的攞開了了的時，抵好彼所在發生大飢荒，伊才知欠缺的艱苦。（路15:13-14）




伊就去互彼所在的一個人倩。彼個人叫伊去園裡飼豬。伊枵甲想欲提豬啲食的豆莢止飢，毋拘連這人嘛無互伊。(路15:15-16)




後來，伊覺醒，講：阮老父有赫呢多倩工，佢攞有物通食，閣食到有賭，毋拘我佇遮啲欲餓死。我欲起來，轉去我的老父邊，給伊講：阿爸，我有得罪天，嘛有得罪你，已經無資格做你的子。請互我做你的倩工就好。(路15:17-19)



伊就出發轉去老父遐。伊離佢兜猶真遠，老父就看著伊，心真毋甘，趕緊走倚去給伊攬啲，直直給伊侵。子就對老父講：阿爸，我有得罪天，嘛有得罪你。我已經無資格做你的子。（路15:20-21）



毋拘，老父給僕人講：趕緊掖上好的外袍來給伊穿，給伊掛手指，閣給伊穿鞋，續牽彼隻肥的牛仔子來刳，來慶祝。因為我此個子是死去有閣活，失落有閣得著。佢就開始慶祝。（路15:22-24）





彼時，大子佇園裡。伊轉來，啲欲到厝的時聽著奏樂及跳舞的聲。伊叫一個僕人來，問看到底是什麼代誌。彼個僕人給伊講：恁小弟轉來；恁老父因為伊平安無事倒來，就剖彼隻肥的牛仔子。
(路15:25-27)



大子非常受氣，毋入去。伊的老父出來給伊苦勸。毋拘伊應老父講：你想看咧，我作奴才服事你即多年，毋曾違背你的命令，你連一隻山羊仔都毋曾互我及朋友做夥歡喜！毋拘，你此個子為著娼妓給你的財產開了了，伊一下轉來，你就為著伊剖彼隻肥的牛仔子。
(路15:28-30)



伊的老父應講：子啊，你不時都及我做夥，我所有的攞是你的。總是你此個小弟，伊是死去有閣活，失落有閣得著，咱應該歡歡喜喜來慶祝。(路15:31-32)




耶穌閣對門徒講：有一個人真好額，伊有一個管家；有人對主人檢舉此個管家浪費伊的財產。2主人叫伊來，給伊問：我有聽著你此個代誌，到底是按怎？你所管理的賬簿交出來，毋互你閣作管家。
(路16:1-2)



彼個管家家己想講：主人欲給我辭頭路，毋互我閣作管家，今我欲按怎？擲鋤頭無氣力，作乞食閣驚見笑。今，我知著按怎做，無作管家以後才有朋友通給我收留。管家就將主人的債務人一個一個叫來，給頭一個講：你欠阮主人偌多？伊應講：一百桶橄欖油。管家給伊講：你的借條佇遮，趕緊坐落來，給改做五十。（路16:3-6）



管家閣給另外一個講：你欠佢多？伊應講：一百石麥仔。管家給伊講：你的借條佇遮，給改做八十。主人褒獎此個無老實的管家做了真巧，因為屬世間的人處理世事，比屬光明的人較有變竅。
(路16:7-8)



耶穌繼續講：我給恁講：若用不義的錢財為家已結交朋友，按呢錢財無去的時，佢會接納恁入去永遠倚起的所在。對真細項代誌忠實的人，對大項代誌嘛會忠實；對真細項代誌無老實的人，對大項代誌嘛無老實。所以，恁對不義的錢財若無老實，啥人欲將真正的財寶交代恁？恁對別人的物若無老實，啥人欲將恁的物互恁？（路16:9-12）




無一個僕人會當服事兩個主人；伊若毋是怨恨此個，疼彼個，就是看重此個，看輕彼個。恁艴當像時服事上帝閣服事錢財。許個貪財的法利賽派的人聽著耶穌講諸個話就給伊恥笑。（路16:13-14）




耶穌給個講：恁諸個人佇人的面前自稱做義，毋拘上帝知恁的內心，因為人看做尊貴的，對上帝來看是通厭惡的。摩西的律法及先知的教示到施洗者約翰結束。對彼時起，**上帝國**的福音就傳出去，人人攏硬欲爭入去。毋拘天地消失比廢除律法的一劃閣較簡單。無論什麼人，離伊的某去娶別個婦仁人就是犯姦淫；娶互人離婚的婦仁人嘛是犯姦淫。（路16:15-18）



有一個人真好額，伊穿紫色真高貴的衣服，逐日奢華宴樂。閣有一個乞食，名叫做拉撒路，歸身軀生瘡，倒佇彼個好額人的門口，欲拾好額人桌頂落落來的屑仔止飢；狗嘛來舐伊的瘡。（路16:19-21）



後來，此個乞食死去，天使給伊導去亞伯拉罕的身軀邊。彼個好額人嘛死去，閣埋葬。伊佇陰府受真大的痛苦，擰頭看，看著亞伯拉罕佇遠遠的所在，拉撒路佇伊的身軀邊。伊就出聲叫：我的祖亞伯拉罕，憐憫我！請你差拉撒路用指頭仔尾搵水來互我的嘴舌涼一下，因為我佇此個火焰中啲受苦楚。（路16:22-24）




毋拘亞伯拉罕講：子啊，著會記得你在生享受一切的快樂，毋拘拉撒路在生受盡痛苦，伊現在佇遮得著安慰，你佇遐啲受苦楚。毋若按呢，阮及恁的中間有大深淵隔開，按呢對遮無人會當過去恁遐，嘛無人會當對恁遐過來阮遮。（路16:25-26）



彼個好額人就講：我的祖啊，既然是按呢，我懇求你差拉撒路去阮老父的厝；我有五個兄弟佇遐，伊通去給個警告，才免個嘛來到此個非常痛苦的所在。毋拘亞伯拉罕應講：你的兄弟有摩西及先知，個應該去聽個的話。（路16:27-29）



彼個好額人應講：我的祖亞伯拉罕，個殮啦。若有人對死人中閣活去尋個，個就會悔改。亞伯拉罕給伊講：個若毋聽摩西及先知的話，有人對死人中閣活，個嘛殮相信。（路16:30-31）



耶穌閣對伊的門徒講：引起人犯罪的事一定有，不過造成此個事的人慘啊！寧可用大石磨給伊吊佇頷頸抗落海，嘛毋通互微細的一個跋倒犯罪。（路17:1-2）





恁家己嘛著謹慎！ 你的兄弟抑是姊妹若犯罪，著給伊責備，伊若悔改，著給伊赦免。 若有人一日得罪你七遍，七遍攏越倒轉來給你講「我悔改啦」，你嘛攏著給伊赦免。(路17:3-4)





使徒對主講：求你加添阮的信心！主講：恁若有親像芥菜籽赫大的信心，給此欖桑材樹講「連根拔起來，去栽佇海裡」，彼欖樹嘛會服從恁。恁中間豈有什麼人，伊的僕人去作園抑是飼羊，對園裡轉來的時，會給僕人講「趕緊坐落來食飯」？（路17:5-7）



伊豈膾給伊講「給我準備暗頓；繕圍裙來侍候我食飯，後來你才食才飲」？僕人做主人所吩咐的代誌，主人豈著給伊說謝？恁嘛是按呢，恁做受交代的代誌了後，著講「阮是無路用的僕人，阮不過盡本分做若定」。(路17:8-10)




耶穌去耶路撒冷的路中，經過撒馬利亞及加利利的交界。伊入去一個庄社的時抵著十個癩瘋病人。佢倚佇遠遠的所在，大聲喝：耶穌老師啊，憐憫阮！耶穌一下看著，就給佢講：恁去互祭司檢查！佢佇路中，就得著清氣。(路17:11-14)



其中有一個看著家己的病已經好，就倒轉來大聲謳嘍上帝，仆佇耶穌的腳前，給伊感謝。此個是撒馬利亞人。耶穌問講：豈毋是有十個人得著醫好？猶彼九個佇叨位？此個外族的人以外豈無人轉來感謝上帝？耶穌就給彼個人講：起來，轉去。你的信心有救你。
(路17:15-19)



有一遍，一寡法利賽派的人問耶穌，**上帝國**什麼時會來臨。耶穌應講：**上帝國**的來臨毋是人看會出來，嘛無人會當講『你看，佇遐』，抑是講『你看，佇遮』，因為**上帝國**是佇恁中間。（路17:20-21）



耶穌就對伊的門徒講：日子啲欲到，佢想欲看人子來臨的日子，連一日嘛看膾著。有人會給佢講『你看，佇遐』，抑是講『你看，佇遮』。毋通出去，嘛毋通隨佢去。熠熾對天此旁熠，照到天彼旁，人子佇彼日嘛會親像按呢來臨。不過，伊一定著先受真多苦難，閣互此世代的人拒絕。(路17:22-25)



人子來臨的日子會及挪亞的時全款；彼時人照常飲食嫁娶，一直到挪亞入去大船彼日。大水到，給佢攞消滅。(路17:26-27)



彼日嘛及羅得的日子全款，人照常飲食，買賣，種作，起厝，毋拘
羅得對所多瑪出去彼日，對天有落火及硫磺，給佢攞消滅。
(路17:28-29)



人子顯現的日嘛會親像按呢。彼日，佇厝頂的，毋通落來提厝內的物件；佇園裡的，嘛毋通倒轉去。著會記得羅得的某所抵著的代誌！（路17:30-32）



所有想欲保存家己性命的，會喪失性命；所有喪失家己的性命的，會得著性命。我給恁講，佇彼暗，有兩個人睏全一頂眠床，一個會受導去，另外一個會留啲。有兩個婦仁人做夥啲挨石磨，一個受導去，一個留啲。有兩個人佇園裡，一個受接去，一個留啲。門徒問耶穌講：主啊，會佇叨位發生？耶穌給佢講：屍體佇叨位，禿頭鷹攏會擒倚去遐。(路17:33-37)



耶穌閣對門徒講一個譬喻，教示佢著常常祈禱，毋通灰心。伊講：某一個城有一個判官，伊無敬畏上帝，嘛無尊重人。佇彼個城有一個寡婦一直來尋伊，講：我有一個訴訟的對頭，請你替我主持公道。此個判官真久攏毋答應，後來伊家己想講：我雖然毋驚上帝，嘛無尊重人，毋拘因為此個寡婦一直來給我吵，我欲替伊主持公道，才免伊一直來膏膏纏。

(路18:1-5)




主閣講：恁著聽此個不義的判官所講的話！上帝所揀選的人暝日對伊哀求，伊豈會替個主持公道？伊豈會拖延真久？我給恁講，伊真緊就會替個主持公道。總是，**人子**來臨的時，伊佇地上豈會看著此款的信心？
(路18:6-8)




耶穌對許個看家己做義人閣看輕別人的人有講此個譬喻：有兩個人上聖殿祈禱；一個是法利賽派的人，另外一個是貿稅的。法利賽人倚挺挺家己祈禱講：上帝啊，我感謝你，因為我無親像其他的人恐嚇取財，不義，淫亂，嘛無親像此個貿稅的。我一禮拜禁食兩遍，閣奉獻全部收入的十分一。(路18:9-12)




毋拘彼個貿稅的倚佇遠遠的所在，連擡頭起來看天都毋敢，只有搥胸講：上帝啊，憐憫我此個有罪的人！我給恁講，罪得著赦免轉去個兜的是此個人，毋是彼個法利賽人；因為提高家己的，會受降低；屈低家己的，會受提高。(路18:13-14)





有人連嬰仔嘛抱來耶穌遐，欲互伊按手祝福；門徒看著就給個責備。毋拘耶穌叫佢來，講：互囡仔來我遮，毋通給個阻擋，因為上帝國是此款人的。我實在給恁講，人若無親像囡仔按呢接受上帝國，絕對膾當入去。（路18:15-17）



有一個猶太人的領導者來問耶穌講：好的老師，我著做什麼才會當承受**永遠的活命**？耶穌給伊講：你哪會講我是好？上帝以外，無一個是好。諸個誡命你攏識：毋通姦淫；毋通害死人；毋通偷提；毋通作偽證；著孝敬父母。（路18:18-20）





彼個人講：諸個誠命我對細漢就一直有啲遵守。耶穌聽著諸個話，就給伊講：你猶欠一項。去賣所有的，得著的錢攞分互散赤人，你佇天頂就有財寶，然後來隨我。彼個人一下聽著諸個話，真傷心，因為伊非常好額。(路18:21-23)



耶穌看彼個人就講：有錢人入**上帝國**佢仔呢困難！駱駝穿過針鼻嘛比好額人入**上帝國**閣較簡單！聽著諸個話的人問伊講：若按呢，什麼人會當得著救？耶穌應講：人做膾到的，上帝攞會。彼得講：阮已經放揀阮所有的來隨你啦。耶穌給佢講：我實在給恁講，人若為著**上帝國**放揀厝宅、某、兄弟、父母抑是子兒，佇今世一定會得著閣較多，佇來世得著**永遠的活命**。（路18:24-30）





耶穌導十二使徒去邊仔，給個講：今咱欲上耶路撒冷，先知所記載關係人子的一切攏會應驗。(路18:31)




伊會受出賣互外邦人；佢會給伊戲弄，侮辱，呸涎。佢會用鞭給伊拍，給伊害死，第三日伊會閣活。(路18:32-33)



毋拘使徒對諸個代誌攞無了解；諸個話的意思有對佢蓋啲，佢毋知耶穌啲講什麼。（路18:34）





耶穌的欲到耶利哥的時，有一個盲人坐佇路邊的求乞。伊聽著群眾對過經過，就問人看是什麼代誌。佢給伊講：拿撒勒人耶穌的欲對過經過。伊就大聲喝：**大關的子**耶穌，憐憫我！（路18:35-38）





佇頭前啲行的人給伊責備，叫伊恬恬，毋拘伊愈大聲喝：**大關的子**，憐憫我！耶穌就停腳，叫人導伊來。伊倚來的時，耶穌問伊講：你愛我給你做什麼？伊講：主啊，我愛閣看見！（路18:39-41）



耶穌給伊講：好，互你閣看見！你的信心互你得著醫好！伊隨時閣會看見，就隨耶穌，歸榮光互上帝。眾人看著此個代誌，攏稱讚上帝。（路18:42-43）



耶穌入去耶利哥，對邊啲經過。佢邊有一個人名叫做撒該；伊是買稅的頭人，真好額。伊愛欲看耶穌是什麼款人，不過因為人真多，伊的身材閣矮，看膾著。伊就走進前，足百上一欖桑材樹欲看耶穌，因為耶穌啲欲對邊經過。耶穌行到彼個所在，擰頭看，對伊講：撒該，趕緊落來；今仔日我一定欲住恁兜。(路19:1-5)



撒該就趕緊落來，歡歡喜喜接待耶穌。眾人一下看著，嗷嗷唸講：此個人煞入去罪人的厝住！撒該倚啲，對主講：主啊，我欲提財產的一半賑濟散赤人。我若有給人論錢，欲四倍還伊。(路19:6-8)



耶穌對伊講：今仔日拯救已經臨到此個家，因為伊嘛是亞伯拉罕的子孫。人子來是欲追尋閣拯救失落的人。（路19:9-10）



眾人啲聽諸個話的時，耶穌閣給佢講一個譬喻，因為伊啲欲到耶路撒冷，閣許個人想講上帝國連鞭會實現。以耶穌給佢講：有一個貴族去真遠的所在欲受封作王才轉來。伊召集十個僕人來，互佢十個金幣，一人一個，給佢講：我轉來以前，恁用諸個金幣去做生理。
(路19:11-13)



本國的人民怨恨伊，差一個使者隨伊的後面去，對皇帝奏講：阮無愛此個人做阮的王。此個貴族受封作王轉來的時，叫許個領著錢的僕人來，愛知個逐個人賺偌多。(路19:14-15)



頭一個來伊的面前，講：
主啊，我有用你彼個金
幣賺十個。主人給伊講：
真好，好的僕人！你既
然佇小事忠實，我欲互
你有權管理十個城。第
二個來，講：主啊，我
有用你彼個金幣賺五個。
(路19:16-18)



主人嘛按呢給此個人講：
我欲互你管理五個城。
閣另外一個來，講：主
啊，你看，你的金幣佇
遮。我用手巾給伊包起
來囡。我真驚你，因為
你是一位嚴轄的人，無
寄，你嘛欲領；無種，
你嘛欲收。（路19:19-21）




主人給伊講：你此個可惡的僕人，我欲照你家己所講的給你定罪。你既然知我是嚴轄的人，無寄嘛欲領，無種嘛欲收，你哪無將我的錢寄佇銀行，等我轉來的時通領母錢及利息？主人就給倚佇邊仔的人講：給伊的金幣提來，交互彼個有十個金幣的！（路19:22-24）



佢就對伊講：主啊，伊已經有十個金幣啦。主人講：我給恁講，已經有的，欲閣較多互伊；無的，連伊所有的嘛欲給伊搶起來。毋拘許個對敵我，無愛我做佢的王的，給佢拖來遮，佇我的面前給佢剖死！（路19:25-27）

大綱

- | | |
|-----------------|-------------|
| 一、引言 | 1:1-1:4 |
| 二、施洗約翰及耶穌的降生及童年 | 1:5-2:52 |
| 三、施洗約翰的工作 | 3:1-3:20 |
| 四、耶穌接受洗禮及受試探 | 3:21-4:13 |
| 五、耶穌佇加利利的工作 | 4:14-9:50 |
| 六、加利利到耶路撒冷 | 9:51-19:27 |
| 七、最後一禮拜佇耶路撒冷及附近 | 19:28-23:56 |
| 八、主的閣活顯現及升天 | 24:1-24:53 |




講諸個話了後，耶穌行做前上耶路撒冷。伊啲欲到橄欖山山腳的伯法其及伯大尼的時，差兩個門徒，吩咐佢，講：恁去對面的庄社，入去的時會看著一隻毋曾互人騎過的驢仔子縛佇遐。恁給伊解開，牽來遮。(路19:28-30)



若有人問：恁是按怎啲解驢仔子？恁著講：主欲用伊。佢就去，所抵著的代誌逐項及耶穌所講的像款。佢啲解彼隻驢仔子的時，主人問佢講：恁是按怎啲解此隻驢仔子？佢應講：主欲用伊。
(路19:31-34)





個就牽彼隻驢仔子來耶穌遐，將家己的外衫被佇驢仔頂，給耶穌扶起去騎。耶穌騎驢仔子進前行的時，眾人將家己的外衫鋪佇路裡給伊歡迎。耶穌啲欲到耶路撒冷欲落橄欖山的所在，歸大陣的門徒因為看著一切奇妙的事就攏歡喜，大聲謳嘍上帝講：奉主的名來的王應該受稱讚！願天頂有和平，榮光歸互至高的上帝！（路19:35-38）



眾人中間，有幾若個法利賽派的人給耶穌講：老師，著責備你的門徒！耶穌應講：我給恁講，佢若恬恬，諸個石頭嘛會大聲喝出來。
(路19:39-40)



耶穌喲欲到耶路撒冷，看著城，就為著城哀哭，講：我實在真愛你今仔日知按怎才會行向和平！毋拘此個事現在對你蓋喲，互你看齣著。因為日子喲欲到，彼時你的對敵會佇你的周圍造土堆包圍，對四面給你攻擊。佢會將你及你城內的人民全部毀滅，無留兩塊石相疊，因為你看齣出上帝拯救你的時機。（路19:41-44）



耶穌入去聖殿，就起手趕許個賣物件的人出去。伊給佢講：聖經有記載：我的厝應該是祈禱的殿，恁煞給伊變做土匪仔窟。耶穌逐日佇聖殿教示人。祭司長、經學教師，及人民的頭人一直想辦法欲害死耶穌，毋拘尋無法度，因為眾人攏真注意啲聽伊的話。
(路19:45-48)





有一日，耶穌佇聖殿啲教示人閣傳福音。有祭司長、經學教師及長老做夥來，問伊：給阮講，你靠什麼權柄做諸個代誌？什麼人互你此個權柄？耶穌應講：我嘛欲問恁一句話。恁給我應。（路20:1-3）





約翰給人洗禮的權柄是對天抑是對人來的？佢互相議論：咱若講『對天』，伊會講『按呢，恁是按怎無信約翰？』咱若講『對人』，眾人會用石頭給咱枕，因為佢攞信約翰是先知。所以佢應講毋知對叨位來。(路20:4-7)




耶穌給佢講： 按呢， 我嘛毋給恁講我靠什麼權柄做諸個代誌。
(路20:8)





耶穌閣用一個譬喻給眾人講：有一個人開墾一坵葡萄園。伊將此坵園租互佃農，後來出外真久。(路20:9)



收成的時到，伊差一個僕人去佃農邊，欲給佃收園裡的果子。佃農給伊拍，互伊空手倒去。主人閣差別個僕人去。佃嘛給伊拍，給伊侮辱，趕伊空手倒去。(路20:10-11)



主人就差第三個僕人去。佢嘛給伊傷害，給伊趕出去。後來葡萄園的主人講：今我著按怎做？我欲差我所疼的子去。佢大概會給伊尊重。(路20:12-13)



毋拘佃農看著伊，就參詳講：此個是伊的繼承人。咱來給伊剖死，按呢伊的財產就變做咱的。佢就給伊抗出去葡萄園的外面，給伊剖死。按呢，葡萄園的主人會按怎給佢處理？伊會來剿滅諸個佃農，將葡萄園租互別人。眾人聽著諸個話，就講：千萬毋通有此款代誌！（路20:14-16）





耶穌注意給佢看，講：聖經所記載的是什麼意思：起厝師傅所棄揀的石已經成做上重要的基石。所有摔落去彼塊石頭頂的人，會摔甲碎骨分屍；互彼塊石頭砬著的人，會砬甲碎糊糊。（路20:17-18）




彼時，經學教師及祭司長知影耶穌講此個譬喻是啲指佢，就想欲當場下手掠耶穌，不過驚眾人。所以，佢就尋機會，派密探假做老實人，欲掠耶穌的話縫，將伊交互總督通用伊的權柄依法辦理。
(路20:19-20)



諸個密探來問耶穌講：老師，阮知你所講所教示的攏真著，無偏心，只有忠實教示上帝的道理。 阮納稅互羅馬皇帝凱撒有合律法無？（路20:21-22）




耶穌看出佢的詭計，就對佢講： 提一個銀幣互我看。這有什麼人的像及字號？ 佢應講： 凱撒的。（路20:23-24）



耶穌就對佢講：按呢，凱撒的物互凱撒；上帝的物互上帝。佢佇公眾面前掠膾著耶穌的話縫，閣伊的應答互佢真著驚，就恬去。
(路20:25-26)



有一寡主張無閣活的撒都該派的人來耶穌邊，問伊講：老師，摩西所寫的律法給阮講：若有人伊的兄死去，某猶活啲毋拘無子，伊作小弟的著娶兄嫂替兄傳宗接代。以前曾有七個兄弟，上大的娶某，無子就死去。第二的，第三的嘛娶個兄嫂。七個攏按呢，無子就死去。後來，彼個婦仁人嘛死去。按呢，閣活的時，此個婦仁人是叨一個人的某？因為此七個攏曾娶伊做某。（路20:27-33）



耶穌給個講：今世的人有嫁有娶；不過會堪得對死人中閣活閣進入來世的人就無嫁無娶。因為個是閣活的人，猶閣死，及天使像款是上帝的子兒。(路20:34-36)




關係死人閣活的事，摩西已經佇『啲燻的莉帕』彼段經節有指明，嘛稱呼主是亞伯拉罕的上帝，以撒的上帝，雅各的上帝。伊毋是死人的上帝，是活人的上帝。因為對上帝來看，佢攏啲活。有幾若個經學教師對耶穌講：老師，你講了真好。佢就毋敢閣給伊問什麼。
(路20:37-40)



耶穌對佢講：人哪會講**基督**是大關的後代？大關本身佇詩篇講：主給我的主講：你坐我的正旁，聽候我互你的對敵屈服佇你腳下。大關都稱呼**基督**做『主』，**基督**哪會是大關的後代？（路20:41-44）




眾人啲聽的時，耶穌對伊的門徒講：著持防經學教師。佢愛穿長衫行來行去，佇市場口互人請安，佇會堂坐高位，佇宴會坐大位。佢侵佔寡婦的家伙，刁故意祈禱真長。佢會受閣較重的刑罰。
(路20:45-47)




耶穌擡頭看著好額人將個的獻金獻落去奉獻櫃。伊閣看著一個散赤的寡婦獻兩個銅錢仔落去。(路21:1-2)




耶穌講：我實在給恁講，此個散赤的寡婦獻入去的比眾人獻的閣較多。因為佢攞是獻佢用賭的，毋拘此個寡婦雖然真散赤，猶久提所有的生活費攞獻落去。(路21:3-4)




有人喲談論聖殿是用好石及奉獻的物來裝飾的。耶穌講：子喲欲到，恁喲看的諸個一切攏會受拆毀，拆甲無兩塊石相疊。（路21:5-6）




門徒問耶穌：老師，此個代誌什麼時會發生？此個代誌欲發生的時有什麼兆頭？耶穌講：著謹慎，毋通受迷惑。因為有真多人會利用我的名來，講「我就是**基督**」，閣講「時機啲欲到啦」。恁毋通隨佢去。恁聽著戰爭及暴亂的消息，毋免驚惶。諸個代誌一定會代先發生，毋拘終局殮隨時到。(路21:7-9)




耶穌繼續給佢講：民族會起來攻擊民族，國家攻擊國家。大地動，真多所在有飢荒及瘟疫，閣有通驚的景象及大奇蹟對天頂出現。諸個代誌發生以前，人會掠恁，迫害恁，給恁交互會堂及監獄。恁會為著我的緣故互人掠去君王及總督的面前。此個是恁做見證的機會。(路21:10-13)




所以，恁的心著掠互定，毋免先想欲按怎辯明。因為我欲賜恁口才及智慧，互恁的對敵無一個會當對抗抑是反駁。連恁的父母、兄弟、親族，及朋友嘛會給恁出賣；恁中間有人會互個害死。恁會因為我的名互眾人怨恨。不過恁連一支頭毛都殮失落。著忍耐才會得著性命。(路21:14-19)



恁看著耶路撒冷互軍隊包圍的時，就知此個城啲欲毀滅啦。彼時，
佇猶太的人著逃走去山內；佇城內的著離開；佇庄腳的毋通入城。
(路21:20-21)




因為這是報應的日子，是欲應驗聖經所記載的一切。佇許個日子，有身孕的及互嬰仔食奶的婦仁人非常不幸！因為大災禍啲欲臨到此個地；上帝的大受氣啲欲臨到此個人民。佢會互刀劍剖死，嘛會互人掠去逐國。耶路撒冷會互外邦人踐踏，直到外邦人的期限滿。
(路21:22-24)



彼時，日、月、星攏會顯出兆頭。地上萬民會因為海湧嘩嘩哮驚惶不安。人會因為此世界啲欲發生的代誌驚甲暈去，因為天頂的光體攏會搖洩。(路21:25-26)




彼時，人會看見人子充滿權能及大榮光坐雲來臨。諸個代誌啲欲發生的時，恁著擰頭挺身，因為恁的拯救啲欲到啦。（路21:27-28）





耶穌閣用譬喻給佢講： 恁看無花果樹及一切的樹。 恁看著諸個樹
茁芽的時就知熱天啲欲到。 親像按呢， 恁看著諸個代誌發生的時就
知上帝的主權啲欲實現。 我實在給恁講此世代猶未過去， 諸個代誌
攞會發生。 天及地會消失， 毋拘我的話絕對殫消失。（路21:29-33）




恁家已著謹慎，才免因為貪食，酒醉，及生活的掛慮互恁的心麻痺，致到彼日親像羅網忽然臨到恁，因為彼日會臨到住佇全世界逐所在的人。著不時警醒，祈禱，互恁有氣力通逃避一切啲欲發生的代誌，通倚佇人子的面前。(路21:34-36)





此幾日，耶穌日時攏佇聖殿教示人，暝時出城去橄欖山過暝。眾人攏透早就去聖殿聽耶穌講道理。(路21:37-38)




除酵節，也叫做躑躅節，啲欲到。祭司長及經學教師因為驚民眾，所以啲尋看有什麼法度通害死耶穌。撒旦入去彼個叫做以斯加略的猶大的心內；伊是十二使徒的一個。伊去及祭司長以及聖殿的守衛官參詳，看欲用什麼法度將耶穌出賣互佢。佢真歡喜，約欲互伊錢。猶大同意，就一直啲尋機會，通佇群眾無佇佢中間的時出賣耶穌。
(路22:1-6)




除酵節，就是著劊躑過節的羊羔彼日，到啦。耶穌差彼得及約翰，給佢講：恁去準備躑過節的晚餐，咱通食。佢給伊問：你愛阮佇叨位準備？耶穌給佢講：恁入去城內，會抵著一個提水瓶的查甫人，恁隨伊去伊欲入去彼間厝，給彼家的主人講：老師啲問，伊及伊的門徒欲食躑過節晚餐的客廳佇叨位？（路22:7-11）



彼個人會報恁看樓頂一間款好勢的大廳。恁就佇遐準備。佢去，看著逐項及耶穌給佢講的擺像款；佢就佇遐準備躑過節的晚餐。
(路22:12-13)




晚餐的時間到，耶穌就坐桌；使徒及伊做夥坐。耶穌給佢講：我受難以前真愛及恁食此個躉過節的晚餐。我給恁講，此個晚餐佇上帝國完全實現以前，我絕對膾閣食。(路22:14-16)




耶穌將杯接過來，感謝了後，講： 恁捧此個杯，分互大家飲。我給恁講，對現在起直到上帝國來臨，我絕對膾閣飲此個葡萄酒。
(路22:17-18)



然後耶穌提餅，感謝了後擘開，提互個，講：此個是我的身軀，是為著恁獻的。恁著做此個來記念我。（路22:19）




食了後伊閣照按呢捧杯，講：此個杯是新的約，用我為著恁流出的血設立的。恁看！出賣我彼個人此陣及我做夥伸手佇桌頂。因為人子會照上帝的決定離開世間；毋拘出賣人子彼個人慘啊！個就問來問去，愛知個中間什麼人會做此個代誌。（路22:20-23）




門徒中間有起爭論，看什麼人算上大。耶穌給個講：外邦人的君王作主管轄人民；統治者互人稱做恩主。總是恁毋是按呢。恁中間上大的顛倒著成做上細的；作領袖的著成做服事的。（路22:24-26）



按呢，什麼人較大？是坐桌食飯的抑是服事的？豈毋是坐桌的？毋拘我佇恁中間是彼個服事的。恁諸個人佇我的試煉中一直及我做夥。我的父將王的權柄賜互我，我嘛按呢將王的權柄賜互恁，互恁通佇**我的國度**及我坐桌，飲食，閣坐佇寶座審判以色列的十二支族。
(路22:27-30)




耶穌閣講：西門，西門，撒旦已經對上帝要求欲親像簸麥仔按呢給恁簸。不過我有為著你祈禱，互你膾失去信心。你回頭轉來了後，著堅固你的兄弟的信心。彼得應伊講：主啊，我已經準備便便欲及你坐監，及你做夥死！耶穌給伊講：彼得，我給你講，今仔日雞啼以前，你會三遍毋認我。(路22:31-34)




耶穌閣給門徒講：以前我差恁出去，叫恁錢袋、旅行袋，及鞋攏免帶，恁豈有欠什麼？佢應講：攏無。伊就給佢講：毋拘現在，有錢袋的著帶咧；有旅行袋的嘛著帶咧；無刀的著賣家己的外袍去買。我給恁講，聖經記載『伊互人算做不法的人』此句話一定著佇我的身上應驗。聖經記載關係我的代誌已經啲應驗啦。門徒講：主啊，你看，遮有兩支刀。耶穌應講：夠額啦！（路22:35-38）




耶穌出去，照常去橄欖山；門徒隨伊去。到彼個所在，伊給佢講：著祈禱才膾陷落試探。(路22:39-40)



然後伊離開個到抗石頭會到赫遠的所在，跪落去祈禱，講：父啊，你若肯，求你將此個杯給我提開！總是毋通照我的意思，著照你的旨意實現。有一個天使對天出現，來贊伊的力。耶穌非常痛苦，愈熱切祈禱；伊的汗親像大點血滴落地。(路22:41-44)



祈禱煞，耶穌倚起來，倒去門徒邊，看著個因為憂傷煞暈去。伊就給個講：恁哪啲暈？起來祈禱才膾陷落試探。（路22:45-46）



耶穌猶啲講的時，忽然有一陣人來；十二使徒的一個，叫做猶大的，做前導路。伊行倚耶穌，欲給伊啞。耶穌給伊講：猶大，你用嘴啞來出賣人子噢？（路22:47-48）



耶穌身邊的門徒看著啲發生的代誌，就講：主啊，阮用刀給個剖好無？其中有一個給大祭司的僕人剃落去，給伊正旁的耳仔削起來。（路22:49-50）



耶穌講：毋通閣動手！穌摸彼個僕人的耳仔，給伊醫好。耶穌給許個來欲掠伊的祭司長、聖殿的守衛官，及長老講：恁擲刀擲棍出來，是啲掠強盜是無？我逐日及恁佇聖殿，恁無下手給我掠。毋拘，這是恁的時，烏暗啲掌權啦。（路22:51-53）




個掠耶穌，押伊入去大祭司的公館。彼得離遠遠啲隨耶穌。個佇埤的中央起火圍佇火邊做夥啲坐；彼得嘛坐佇個中間。（路22:54-55）





有一個奴婢看著彼得向火啲坐，金金給伊相，講：此個嘛是耶穌個
彼陣的人。彼得毋認講：你此個查某人，我毋識伊。（路22:56-57）



過無偌久，另外一個人看著伊，講：你嘛是個彼陣的人。彼得講：你此個人，我毋是！（路22:58）




差不多過一點鐘，閣有一個人堅持講：此個人確實有啲及耶穌做夥，因為伊嘛是加利利人。毋拘彼得講：你此個人，我毋知你啲講什麼！伊猶啲講的時，雞隨時啼。(路22:59-60)




彼時主越頭看彼得，彼得就想起主對伊講的話：今仔日雞啼以前，你會三遍毋認我。伊就出去外面大聲啼哭。（路22:61-62）



許個看守耶穌的人給伊戲弄，閣給伊拍。佢掩伊的目矚，問伊講：先知，你給阮講，啥人給你拍？佢閣講真多話給伊侮辱。
(路22:63-65)




天光，猶太人的長老、祭司長，及經學教師聚集。佢給耶穌押去佢的議會，給伊講：你若是**基督**，著給阮講。耶穌給佢講：我若給恁講，恁嘛毋信。我問恁，恁嘛毋應。對現在起，**人子**會坐佇全能上帝的正旁。(路22:66-69)



眾人講：按呢你就是**上帝的子**囉？耶穌應個講：我是，是恁講的。
個就講：咱猶需要什麼證據？咱已經有聽著伊親嘴講啦！
(路22:70-71)




全體議員攏倚起來，給耶穌押去彼拉多面前。佢就控告講：阮有看著此個人啲迷惑阮的民族，禁止人納稅互凱撒，閣自稱是**基督**，是王。彼拉多問耶穌講：你是『猶太人的王』是無？耶穌應講：這是你講的。彼拉多就對許個祭司長及群眾講：我查驗出此個人有什麼罪。(路23:1-4)





毋拘佢堅持講：伊對加利利到遮，佇猶太全地教示人，煽動民眾。彼拉多一下聽著，就問看此個人是加利利人抑毋是。伊一下知耶穌屬希律王的管轄，就給伊送去希律遐；彼時希律本人嘛佇耶路撒冷。(路23:5-7)



希律看著耶穌，非常歡喜，因為伊曾聽著耶穌的代誌，一直愛欲見伊，閣向望會當看著伊行神跡。伊問耶穌真多代誌，耶穌攏無應伊。祭司長及經學教師倚起來，極力給伊控告。希律及伊的兵嘛給伊侮辱，戲弄，然後閣給伊穿一領真嬌的長袍，才給伊送轉去互彼拉多。希律及彼拉多本來有冤仇，佇彼一日煞變做朋友。(路23:8-12)





彼拉多召集祭司長、官員，及民眾來，給佢講：恁押此個人來我遮，控告伊煽動民眾。今我佇恁的面前有給伊審問，查攞無恁所控告的罪。希律嘛認定伊無罪，才將伊送倒來咱遮。可見伊無做什麼該死的代誌。所以，我欲用鞭給伊教示一下，才放伊去。(路23:13-16)



逐年的躉過節，總督著照群眾的要求放一個犯人互個。（路23:17）




群眾攏喝：此個人著互伊死！放巴拉巴互阮。此個巴拉巴因為佇城內作亂閤剖人才受關監。彼拉多想欲放耶穌，就閤說服眾人。毋拘個大聲喝：給釘十字架！給釘十字架！彼拉多第三遍對佢講：是按怎？伊有做什麼歹代誌？我查驗出伊有該死的罪。所以，我欲用鞭給伊教示一下，才放伊去。（路23:18-22）




不過群眾堅持，大聲要求給耶穌釘十字架，最後個的聲煞較贏。彼拉多就宣判，照個的要求去執行，放個所要求彼個因為作亂，刳人，互人關監的巴拉巴，給耶穌交互個，照個的意思去處理。
(路23:23-25)



許個兵士押耶穌出去的時，抵好有一個古利奈人名叫做西門對庄腳來。佢給伊掠來，將十字架園佇伊的肩頭互伊夯，隨耶穌的後面行。
(路23:26)




有一大陣民眾隨耶穌，其中有一寡婦仁人為著伊搥胸悲傷啼哭。
(路23:27)





耶穌越頭對佢講：耶路撒冷的婦仁人啊，毋免為著我啼哭；著為恁家己及恁的子兒啼哭！因為日子啲欲到，人會講：艱懷孕，毋曾生子，毋曾互囡仔食奶的婦仁人真有福氣！彼時，人會對大山講：給阮砦落來！對小山講：給阮蓋落來！因為佢對活啲的樹木都會按呢做，對焦去的樹木豈艱閣較厲害？（路23:28-31）



另外兩個犯人嘛互人押去及耶穌做夥處死刑。(路23:32)





佢到一個所在叫做「頭殼碗」，就佇遐給耶穌釘十字架，嘛釘彼兩個犯人，一個佇正旁，一個佇倒旁。耶穌講：父啊，赦免佢，因為佢毋知佢啲做什麼。後來佢抽籤分耶穌的衫。（路23:33-34）




民眾倚佇遐啲看。許個猶太人的領袖給伊恥笑，講：伊救別人；伊若是上帝所揀選的**基督**，著救家己！許個兵士嘛給伊戲弄，行倚去，提醋互伊講：你若是『猶太人的王』，著救你家己！（路23:35-37）




佇伊的頭殼頂有罪狀的牌仔寫「此個是猶太人的王(路23:38)




做夥釘的犯人，有一個一直給耶穌侮辱講：你豈毋是**基督**？救你家己嘛救阮。另外一個給伊責備講：你及伊像款受刑，你豈毋驚上帝？咱受刑是公道，因為咱所受的是罪該應得，毋拘此個人攏毋曾做什麼毋著。伊就對耶穌講：耶穌啊，你作王來臨的時，請會記得我！（路23:39-42）




耶穌給伊講：我實在給你講，今仔日你會及我做夥仔樂園。
(路23:43)




差不多中晝的時，烏暗遮蓋全地到下晡三點，日頭失光，聖殿內的帳簾裂做兩旁。（路23:44-45）




耶穌大聲喝：父啊，我將我的靈魂交代你。講煞，就斷氣。
(路23:46)



一個軍官看著所發生的代誌，歸榮光互上帝講：此個人真正是義人！聚集佇遐啲看此個代誌的眾人，看著所發生的代誌，攞那行那搥胸悲傷轉去。許個識耶穌的人，以及對加利利隨來的婦仁人，攞倚佇遠遠的所在看諸個代誌。（路23:47-49）



有一個人叫做約瑟；伊是議員，是一個善良正義的人。伊無贊成其他議員的計謀及行動。伊是猶太人的城亞利馬太的人，一直啲期待上帝國的來臨。此個人去見彼拉多，請求將耶穌的遺體互伊。
(路23:50-52)



伊將遺體收落來，用幼麻布包，然後給伊安葬仔拍好仔石壁的墓內面；此個墓攞猶毋曾有人用。彼日是備辦日，安歇日抵欲開始。
(路23:53-54)



對加利利及耶穌做夥來許個婦仁人隨約瑟去。佢斟酌看彼個墓，看耶穌的遺體按怎下，就轉去準備芳料及芳油。安歇日，許個婦仁人照律法的規定歇睏。（路23:55-56）

大綱

- | | |
|-----------------|-------------|
| 一、引言 | 1:1-1:4 |
| 二、施洗約翰及耶穌的降生及童年 | 1:5-2:52 |
| 三、施洗約翰的工作 | 3:1-3:20 |
| 四、耶穌接受洗禮及受試探 | 3:21-4:13 |
| 五、耶穌佇加利利的工作 | 4:14-9:50 |
| 六、加利利到耶路撒冷 | 9:51-19:27 |
| 七、最後一禮拜佇耶路撒冷及附近 | 19:28-23:56 |
| 八、主的閣活顯現及升天 | 24:1-24:53 |




禮拜日透早，天欲光的時，許個婦仁人帶個所準備的芳料去墓地。個看著石頭已經對墓翻開，就入去，毋拘尋無主耶穌的遺體。個為著此項代誌愣去毋知欲按怎的時，忽然有兩個人穿光映映的衫倚佇個身邊。（路24:1-4）




諸個婦仁人非常著驚，面仆落土腳。彼兩個人給佢講：恁是按怎佇死人的中間啲尋活人？伊無佇遮，伊已經閣活。恁著會記得伊猶佇加利利的時給恁講的話：**人子**一定會受出賣佇罪人的手，互佢釘十字架，第三日閣活。（路24:5-7）



許個婦仁人就想著耶穌的話。佢離開墓轉去，將諸個代誌攞對十一個使徒及其他攞總的人報告。對使徒報告諸個代誌的，就是末大拉的馬利亞、約亞娜、雅各的老母馬利亞，以及其他及佢做陣的婦仁人。(路24:8-10)





使徒想講諸個婦仁人所講的話無影無跡，所以無相信。毋拘彼得得起來，走去墓裡，俯落去看，只有看著幼麻布若定。伊就轉去，對所發生的代誌感覺真奇怪。(路24:11-12)




像彼日，門徒中有兩個人欲去一個庄頭，叫做以馬忤斯，此個所在離耶路撒冷約十一公里。佢行路中互相啲談論所發生攞總的代誌。佢談論來談論去的時，耶穌親身行倚來及佢做陣行。佢看著，毋拘殮認得。(路24:13-16)




耶穌問佢：恁那行那啲議論的是什麼代誌？佢就停落來，滿面憂愁。其中有一個人叫做革流巴應伊講：此幾日佇耶路撒冷所發生的代誌，對外地來住佇耶路撒冷的人，是按怎干焦你一個毋知？
(路24:17-18)




耶穌問佢：什麼代誌？佢給伊講：拿撒勒人耶穌的代誌。伊是先知，佇上帝及眾人的面前，無論講話抑是做代誌攞真冇權能。阮的祭司長及領袖給伊送去互人判死刑，釘十字架。伊就是阮所啲期待欲來**拯救以色列**彼位。毋若按呢，此個代誌發生到今仔日已經第三日啦。（路24:19-21）



閣阮中間有幾若個婦仁人互阮真著驚。佢天睇光就到墓裡，毋拘尋無耶穌的遺體。佢轉來報告講有看著天使出現，給佢講伊閣活啦。阮中間嘛有幾若個人去墓裡，看著的代誌逐項及婦仁人所講的攏像款，佢嘛無看著耶穌。(路24:22-24)





耶穌就對佢講：唉啊，恁哪即呢戇，心哪即呢鈍，猶相信先知所講一切的話！**基督**豈毋是應該著受諸個苦難才來入伊的榮光？耶穌就對摩西及眾先知起，給佢解說聖經中所有關係伊本身的記載。
(路24:25-27)




佢啲欲到所欲去彼個庄頭，耶穌若親像欲繼續行，不過佢兩個強強給伊留，講：日頭已經落山，天暗啦，請及阮住。耶穌就入去及佢住。耶穌及佢坐桌的時，提餅感謝，然後擘開，分互佢。
(路24:28-30)




佢的目睭開，認著伊；伊忽然對佢面前消失。佢就互相講：伊佇路中及咱講話，給咱說明聖經的時，咱的心豈無親像火啲燻？
(路24:31-32)




佢隨時出發，倒轉去耶路撒冷，看著彼十一個使徒及其他的人聚集佇遐，啲講：主真正閣活啦！伊已經有出現互西門看。彼兩個人就將佇路中所發生的代誌，及耶穌啲擘餅的時佢才認著伊的經過，攞給佢講。(路24:33-35)





彼兩個門徒啲講諸個代誌的時，耶穌親身倚佇佢中間，對佢講：願恁平安！佢亦驚亦憊，想講是看著鬼。耶穌給佢講：恁是按怎不安，心內哪會啲懷疑？看我的手，我的腳；確實是我。恁摸就知，因為鬼無骨無肉；摸看覓咧，我攞有！伊講了就将伊的腳及手伸互佢看。
(路24:36-40)




個歡喜甲毋敢相信，猶感覺奇怪的時，耶穌問個：恁遮有什麼通食無？個提一尾烘好的魚互伊，伊就佇個的面前接去食。
(路24:41-43)



後來耶穌給佢講：摩西的律法及先知的冊，以及詩篇記載關係我的代誌，一定著應驗。諸個話我猶及恁做夥的時已經有給恁講啦。耶穌就開佢的心竅，互佢明白聖經，（路24:44-45）



對佢講：聖經有按呢記載：基督著受苦難，第三日對死人中閣活，閣恁著奉伊的名傳悔改來得著赦罪的道理，對耶路撒冷起，傳到萬國。(路24:46-47)



恁就是諸個代誌的見證人。我將我的父所應允的交互恁；著佇此個城聽候，到恁得著對頂面來的能力。（路24:48-49）



耶穌導佢出去，一直到伯大尼，然後擲雙手給佢祝福。伊啲給佢祝福的時離開佢，受接上天。（路24:50-51）



個就給伊拜，然後歡歡喜喜轉去耶路撒冷，繼續佇聖殿稱讚上帝。
(路24:52-53)

參考資料

台語聖經 (現代台語漢字譯本)

台灣聖經公會授權

- 天國門徒訓練講義
- 免費聖經圖片
- 聖經簡報站
- 畫說聖經